

四庫全書

史部

欽定四庫全書

史部

欽定蘭州紀畧卷二

編修_臣李傳熊覆勘

總校官編修_臣程嘉謨

欽定四庫全書

欽定蘭州紀畧

提要

臣等謹按蘭州紀畧二十一卷乾隆四十六年奉

勅撰考回人散處中國介在西北邊者尤獷悍然其教法則無異劉智天方典禮擇要解即彼相沿之規制也其祖國稱默德那其種類則

居天山之南北後準噶爾據有山北乃悉避
處於山南今自哈密吐魯番以外西暨和闐
葉爾羌皆所居也迨我

皇上星弧遙指月窟咸歸諸回部並隸版圖為我
臣僕中國回人亦時時貿遷服賈來往其
間姦黠之徒遂詭稱傳法於祖國別立新教
與舊教構爭守臣狃於晏安不早為防微杜
漸互相讐殺乃馴至嘯聚稱戈辛丑四月循

化廳逆回蘇四十三等突陷河州復擁衆犯
蘭州會援師既集斷其歸路而羽林勅卒益
部蕃兵亦皆奉

詔遙征尅期並赴逆回飛走路絕乃退據城南十
里龍尾山扼險死守釜魚暫活禪蟲終殲填
塹焚巢百道俱進蹙之於華林寺或俘或
馘無一人倖漏網焉蓋是役也平日釀釁之
漸在大吏之積薪厝火故猝發而不及防臨

時制勝之方在

聖主之省括張機故一舉而無不克是編所錄始
末釐然至於規畫兵制慎固邊防一切敷陳
批答亦皆備書併足見長駕遠馭之謀杜漸防微
之畧所以貽萬世之安者

睿慮尤深且遠也乾隆五十四年正月恭校上

總纂官

臣紀昀陸錫熊臣孫士毅

總校官

臣陸費墀

欽定四庫全書

欽定蘭州紀畧

入章

四月朔日

作辛丑

王狗鴻龍順斗遷春消九十夏

初旋已欣時澤利麴麥

更幸大田起陌阡紅雨綠雲方爛熳青山碧水未留連

簡書旁午勤批答慙愧番回蠡動邊

昨據勒爾謹奏蘭州撒拉爾番回因

倭寇新散航官拒捕殺害知府

楊士璣副將新柱嗣又

佔據河州城今日復據畢沅奏逆匪直逼蘭州省城因

欽定四庫全書

天章

調派滿漢各路官兵并健銳火器營京兵四千名前往會勦命大學士阿桂尚書和珅帶領侍衛督率進兵日內正值軍書旁午實不勝慙懣之至

孟夏

常雩禮成述事

未躬承昨歲南巡奠璧

祈壇意倍寅祇為萬方勤一已幸蒙尺澤渥三春

今歲正月

間春雪頻仍二三月以來雨膏優渥實向年所僅見

若時暘雨顒年稔既潔淥盛

沐

帝仁薄伐番回不容已

昨因蘭州撒拉爾番回肆逆傷害大員佔據河州進逼省城不得已

調派各路官兵并發健銳火器兩營助旅命重臣董率即日會合進剿惟冀迅速掃滅以安邊民 維揚

速冀晏邊民

陝甘總督勒爾謹等奏報勦捕撒拉爾番回誌事

十韻 有序

撒拉爾番回即徇西番其俗人畜並處好即人怒
即獸往年因大加懲創安靜五十餘年今其醜類
復滋昨督臣勒爾謹奏撒拉爾番回蘇阿渾等因

爭立新教殺傷舊教多人遣官往捕而賊匪等竟敢抗拒並戕知府副將勒爾謹因率臬司福崧領兵往勦更調集甘省提鎮仁和等五路兵而賊已乘間侵佔河州維時事起倉猝勒爾謹暫駐狄道藩司王廷贊保守蘭州省城賊乃間道進逼省城焚燒闕廟西安巡撫畢沅以聞將軍伍彌泰提督馬彪各領兵赴援奏到即勅簡八旗勁旅並大學士阿桂尚書和坤等往蒞其事乃兵甫啟行而王廷贊即奏誅殺賊匪教

主馬明心茲勒爾謹畢沅仁和等奏克復河州省城

圍解且擒殺賊匪要犯多人擊退上山即日可期勦滅

云云因勅分別獎賞頒諭中外並賦十韻紀事如左

狗西黑帳本番雜白帽非回竄籍呼

狗西番又名黑帳房與內地回人帶

白帽者本另一種類昨勒爾謹奏乃以其不食豬肉遂沿俗稱番回現已飭令詳查具奏毋令竄混

爭教

始因執新舊據州遂肆攫崔符

撒拉爾番回本舊教逆因賊首蘇阿渾等欲另

立新教殺害舊教數人肆行不法該督委蘭州府知府楊士璣河州協副將新柱前往查拏迭次白莊被逆番

衆衆殘害時勒爾謹一面率臬司福崧帶督標兵五百名往勦一面調集仁和等五提鎮兵二千名會勦而逆

欽定四庫全書

天章

匪乘官兵未到之先竟擁男婦二千餘
搶佔河州實為罪大惡極神人共憤
如狂一旦為猖

獍不畏三軍置鎖鈇提鎮領兵皆宿將

甘肅提督仁和
西安提督馬彪

及各鎮總兵團欽保德寧等皆曾經出兵金川久列戎
行故臨陣調遣井然因并交部從優議叙以示獎勵

監司守省具嘉謨

甘肅藩司王廷贊以文臣能保守省
城於賊匪圍逼時悉力守禦又安定

縣回民馬明心係賊人新教之主前已拏禁省城王廷
贊因賊人索取許其城上一見指稱稟明督臣批至釋
給隨將馬明心正法以免後患辦理實合
機宜因賞給一品頂帶仍交部從優議叙會征有算妖

氛斂決戰無前賊勢孤

此案事起倉猝勒爾謹先調各
路官兵會籌征勦仁和由途次

迎勦並令德寧額爾額一面把守賊人所毀河橋施
放炮位一面直渡黃河率官兵勇奮殺賊圖欽保復手

川四賊將逆匪擊退上山此時賊衆已成釜底游魂擒賊指日可計矣 近日伏林遠滿四

甘省番回雜處好勇鬪狠其常也近年之王伏林明季之滿四暨今之蘇阿渾皆其類也然小醜潢池官兵一

至即盡反滅耳何辭淨勦受駢誅分馳禁旅原資衆先據畢沅奏報蘭州

被圍即簡派健銳火器兩營京兵四十名選乾清門巴圖魯侍衛帶領又欽差大臣和珅拉旺多爾濟及海蘭

察額森特前往督率並命大學士公阿桂由河南取道往同會勦以壯聲勢 詳覽軍書敢懈吾

本省制軍紓壯畧鄰封安撫裕良圖勒爾謹既調集其省各路兵而畢沅

在西安境內聞報即悉心調度協濟滿漢官兵事事迅速妥協並有先辦而與所降諭旨相合者實屬可嘉之

至因賞給一品頂帶仍交羣心齊自成功速小醜殲將部從優議叙以獎賢勞

乏處逋方籲

佑隨聞捷信

是日

雩祭有薄伐番回不容已維揚速冀宴邊民之句回鑒至御園遂接此奏

誠

乾垂貺也

昊

曰欣曰敬曰慚夫

初夏御園雜言遣慮

昨歲事南巡前年逮釋服御園初夏景均未一遊目清和今適值喜雨况霑足和近春婪尾清非夏騰燠因為

清和什德潛說闢獨

歲時紀四月朔為清和節考古人引用皆然沈德潛乃訛唐之中和

節為清和因以謝詩首夏猶清和謂四月似二月其說臆斷無據別有清和詩闢其謬云風日既以

佳心情應亦做而何繼甘省番回逞克條軍書勤批答

厯懷日以六

自三月三十日勒爾謹奏撒拉爾番回肆
送一案軍書旁午日勤批答至四月初六

日始據奏報各路官兵陸續到齊擊退賊匪
上山賊勢窮蹙惟待擒獲正克勒除餘孽云却報官兵
集賊氛勢已歟正克猶待獲雖慰意仍感有暇偶泛舟
散慮林蘂曲懷昔不忍歡遣慮吟書屋

命尚書和珅往甘肅同總督勒爾謹會籌執醜善
後事宜並遭賊氛燹後何以加恩處奏來頒旨詩

以言志

番回爭教肆狂狴竟劫河州逼省闈雖事鋪敦將執醜
却憐蹂躪已殃民籌咨善後孰居要撫卹為先合沛仁
曰隱曰艱應入告十行次第待頒綸

確信

彌月繾蘭州確信披驛致河州雖已復蘭州解嚴未

撒拉

爾番回肆逆一案自三月三十日以來日夜屢念昨四月初六日據勒爾謹奏已克復河州省城圍解并有半月成功之語意謂事可速蕺乃今已及彌月直待大學士阿桂尚書和坤先後到蘭州奏明實在情形披閱始覺明晰然得信已遲莊涼兵初集賊暫向山避勒爾謹致悞事機實堪憤懣

奏甘肅

提督仁和涼州總兵德寧等帶兵赴蘭州協勦奮勇殺賊圖欽保復手刃數賊將賊衆擊退逃竄入華林山

時來竄焚擾城門原尚閉

四月廿九日據阿桂和坤奏伊等未到之先蘭州西南關

外一帶通賊處所賊人竟敢任意往來搶掠民間牲畜口食並於燒剩民房內藏匿乘間放火又於黑夜不過數人潛至城下騷擾而守城兵丁虛張聲勢施放鎗炮徹夜張皇和坤到彼後始嚴飭禁止並搜捕殺賊數人又各路所謂之兵零星散處不俟力齊催令打仗以致間有傷亡士氣不振現在阿桂等申明軍律激勵戎行并安設卡柵彼此接應又于山間札一大營照料各卡俾賊知大兵逼近不得不晝夜防守民心亦漸安貼等語如此料理始漸有頭緒覽
勒爾謹誑奏謂半月功遂
因命所發兵中途回以暨

前勒爾謹奏現在所謂各路官兵先後到蘭惟有公同商

酌四路擒勦並分派漢土官兵分途前往預備擒拏半月可以成功等語阿桂于途中聞此信遂令頭起領兵之人不必前往候旨而回奏到因將所發健銳火器營京兵撤回其前調川兵及阿拉山兵亦經勒爾謹咨撤庸臣輕舉辦事未見面目頻止援兵以致遲悞實為可恨設無此奏則京兵及川兵阿拉山兵均早抵蘭州可以一鼓擒滅茲阿桂和坤復奏請選調川省曾經出師之屯練兵丁千名阿拉山兵七百名兼程赴蘭協同勦捕此亦無聊之計雖現在軍容整頓壁壘一新奏功指日可期而前此舉甚屢易貽悞已多言之徒增慚恚耳和坤及阿桂先後到次第乃據實情報庸臣敗國事我兵初到蘭衆力未齊脩率即驅之戰而又乏董帥一二致傷亡遂乃餒士氣綠旗兵本怯聞戰先驚悸設京兵

弗迴此時將逮至舉碁屢易著兵法之所忌二臣

謂阿桂和

坤

調川兵是亦無聊計申律勵戎行旗鼓重新示儆轅

雖抵罪貽悞已不啻功雖指日蕝肝食徒增恚庸臣誰
所用自責誌吾媿

鑑遠堂

溪堂臨水稱鑑遠俯檻非徒玩渺渟千里蘭州厯遠慮

勦番回欲悉情形

撒拉爾番回肆逆一案勒爾謹總未將前後實情具奏實為晝夜厯念昨

閱阿桂等奏約二十日前後乘機進勦各情形始覺明晰有經理惟日望殲獲渠魁捷音速至耳

甘肅布政使福崧奏報得雨詩以誌慰

藏賊命王師無非計安民行程計近遠一再遣重臣

前因

蘇阿渾即蘇四十三等肆逆遣京兵往勦因命尚書和坤及海蘭察等馳驛往蘭州時大學士公阿桂在浙辦海塘回即命由河南取道前往和坤入甘境即有雨隨輪

和坤等於四月望前入甘肅境即遇

雨今接旬宣奏屢被膏澤均

福崧奏稱甘省春夏之交每患雨澤稀少本月自四月內省城得雨

三四次今五月初七初九十二等日近省一帶又連次得雨三四寸地土滋潤往年罕有等語

甘省艱致雨地瘠

誠民貧犁粟雖未藏農兆慰則真宣來咨實情坤迴復由

秦

蘇阿渾一案勒爾謹總未將前後確實情形明晰奏因念該處門柱一人儘足了事而朕往熱河御前領侍衛及

軍機大臣扈從者不宜少因命和珅回京並面詢甘省一切事宜據稱沿途經過甘肅西安山西各省麥收即日登場收成均在九分以
上云云秦晉麥已收胥稱九十分何以承

天庥惟益勵敬勤

永佑寺瞻禮

皇祖當年喜此居自應

神御奉如初禮因義起言思彼

仁以

憲章事卹予至必先瞻欽繼述念惟切已敢舒徐不期

梗化回猖亂復此有征盼捷書

撒拉爾番回肆逆一案已屢有詩紀事昨

阿桂奏川省屯練土兵等到齊欲令預悉華林山勢及進兵路徑先於閏五月初三日派海蘭察明亮等帶領阿拉山馬兵及屯練兵由龍尾山繞至華林山西南斜撲賊卡又派舒亮等帶滿漢奮勇兵過溝由山南直雁賊卡額森特及伍彌泰等在山坡山梁分路策應除鎗石賊賊不計數外三次攪戰約殺賊六七百名現擬於初九初十兩日尅期大舉四路官兵攻打以期一舉殲滅晝夜惟望其捷音速耳至

安遠廟

新疆底定後安遠建祇林

是廟肖準噶爾固爾札之式為之

萬里夜來

往自平定新疆後伊犁駐以將軍回部各駐欽差大臣
烏魯木齊則設都統與屯耕驛站相通百姓來往貿易
者夜行無恐較之內地尤為安貼也 廿年久靜惜衆生資庇蔭一已致

虔欽回逆偏猖近

阿桂奏閏五月初九日分派官兵四路攻勦賊營搶得賊卡四座殺賊百

餘名乃賊人尚敢傾穴出迎拚死抵拒現在另籌進取
於賊營迤西嚴密圍困令其無路覓食等語連日切盼
佳音又未能即刻
擒獲殊增憤懣 陳師却愧心

遊獅子園

獅子峯陰居

賜昔額題仍是

御毫揮有懷因便為一豫無逸敢皇懈萬幾頻問郵籤

心不憚

閏五月二十三日據阿桂奏十五日大舉攻剿將賊匪卡子四座攻得復乘賊退回攻得賊人

大卡殲戮賊匪甚多隨于左近四面擊卡聯絡接應海蘭察明亮等即帶兵駐守次日天明又佔得兩處山包

並將賊營迤西本布爾廟燒燬殺賊甚多現在官兵接連佔至黃河邊兩岸俱有兵丁水手防範賊勢窮蹙不日可勦除淨盡等語今又隔數日惟晝夜盼望捷音耳

忍看畫障景如依成詩數

首旋歸去行漏曾非四刻違

書扇賜大學士阿桂時在蘭州勦回寇

適日書詩經

曩時曾書詩經全部並指示畫院圖之間亦涉筆茲重觀之覺書法未臻因復手寫

一通易之適書至小雅北山從事賢勞經
營四方之旬不覺繼懷于役者之勞云
北山什重勛

即事懷賢臣于役頻再三江河資畫策送回茲勛大

學

士阿桂於上年臘底命往浙江閱勘塘工今春並令由
江南至河南查辦河務時值甘省匪回肆逆遂命由豫
取道赴甘會勦近雖屢奏勦殺賊匪並於賊人所佔山
梁四面擊卡圍逼賊勢窮蹙待斃而歲事捷音尚未奏
到懸望日徒以恃險守絕壁及深塹密圍待坐困報功
甚一日耳信遲欠憤懣爾我同賢勞久煩懣卿無父母憂予有股
肱念賜扇解炎暑是用五字掄

阿桂奏圍困賊營斷水情形詩以誌事

賊營蓄糧足延時取水黃河更密邇所以守穴三月久近始四面圍築壘黃河被隔填井泉絕水賊窮知必死

老教逃出將欲斃

前經阿桂等奏設木城卡柵將賊營四面攻圍並設法隔斷水磨溝水

道其華林寺後及雷壇二井俱用土填築茲復據奏守卡官兵殺死夜間盜水賊匪數名并有脫回之老教等八名提訊該犯等俱受渴已極不能出聲予水亦不能下徐徐灌潤始能言語據供稱賊匪五百餘名老弱傷病者斷水五日已有渴死者即賊渠蘇四十三及力能打仗之人亦斷水三日雖有炒麵不能下咽騾馬驢牛數百匹倒斃淨盡俟其困憊已極即與水亦不能飲此徐進兵擒捕不使一名免脫等語

徐灌活始取供其衆五日苦斷水觀奏翻為心惻然兇

渠首禍累衆耳然猶一心拒王師反側為恨亦彼取叶
厄魯回部及金川不無勦殺為蕩洗何以茲番乃憐賊
古稀因識吾老矣吁嗟嘉兵有至訓豈願興戎不得已
阿桂奏報撲殲賊營已誅賊首蘇四十三詩以誌
事

番回滋事信竒談嘯合千人死守甘邪教縱能令志固

元戎原是用兵諳

前因撤拉爾番回蘇四十三肆逆官兵圍之于華林山而賊衆甘為死守

阿桂節次奏到調派官兵安設木卡斲絕水道諸務辦理皆合機宜填壕撲柵羣心奮斷

水焚糧衆力戢乃得一朝破巢險猶然數百冒鋒酣

六月

廿二日已刻據阿桂等奏到於本月十五日令海蘭察
明亮率同領隊大員并侍衛章京等帶領官兵屯練降
番及阿拉山兵先在卡邊埋伏相機進攻垂密雨時出賊
人不意將枝網土袋拋填賊人所掘壕溝我兵奮勇直
進哈當阿帶領川省降番首先躍入壕內與賊匪攪殺
官兵拋擲火彈乘勢擁進勦殺賊衆佔得賊卡賊壕俱經
拆燬填塞海蘭察明亮督率官兵遠則鎗箭齊發近則
短兵相接各路官兵咸懷振奮分佔礮上賊卡海蘭察
明亮又拏立木柵帶兵直撲賊營痛加勦殺拋射火箭
火彈燒燬帳房板屋奪獲賊人刀矛烏鎗無算餘賊竄
回華林寺死守呈驗割得賊首一百二十餘顆隨令前
此擒獲監禁之賊黨家屬等逐一辨認據認出首犯蘇
四十三韓一提巴拉周阿渾張阿渾即張懷德馬黑提
卜等首級確實無疑并據投出老教杜山別等供俱稱

賊人被殺死并帶傷者三百餘人所存殘敗賊黨尚有
二百餘人遁入華林寺不敢復出現令官兵四面圍緊
架礮轟擊數日之內即可勦戮淨盡等語因明降諭旨
將首先出力之海蘭察明亮并哈當阿交部從優議叙
其餘在事出力員弁又受傷陣亡官兵查明分別議叙
優卹降番等概行賞給一月錢糧以示獎勵並令阿桂
將蘇四十三首級傳諭各省
梟示俾回民共知儆戒云 異哉狼戾撒拉爾馘矣倡
狂四十三不屑紅旗飛報捷但云歲事更云慚

命加恩甘省被番回兵燹窮民詩以誌事用四月
降旨查卹施恩詩韻

何來雜種逞刁信竟犯州城躡市闐早以詳查命大吏

先是命尚書和珅往甘肅即令將該地方遭賊氛燹何以加恩之處奏請頒旨有曰隱曰艱應入告十行次第待頒綸
茲應實政惠窮民本年糧賦全蠲納六月廿八之句

據阿桂等

奏甘省應行撫卹事宜請將蘭州河州地方照乾隆三十年寧遠等縣地震之例辦理因即降諭旨將蘭州河州本年應徵錢糧加恩概行蠲免其傷斃人口每名房屋每間請各給銀二兩又每人先給倉糧三斗再普行加賑一個月每戶賞給置辦器具銀一兩牛馬每頭匹借給價銀四兩俾被賊焚掠貧民各安生業俱交行在戶部核覆依議速行仍令該地方官實力撫綏以示優卹
燹處災傷普施去聲仁小醜

黃池累黎庶自無德化愧絲綸

阿桂奏報淨勘番回信至詩以誌事

賊首雖陣斬餘黨十遺四乃竟勿出降死守華林寺釜底困仍鬪延廿日弗潰邪教固人心亦誠大奇事築柵

近逼之火攻下策試縱拚命跳踉圍戮無噍類勦回勦

斯歲飛章馳信至

賊首蘇四十三先於六月十五日經阿桂令海蘭察明亮等督率官兵直

入賊壕勦殺賊衆割取首逆蘇四十三等首級其餘黨四百餘人尚死守華林寺思欲乘隙突出竄逸茲阿桂奏報於七月初六日海蘭察明亮率同侍衛官兵由華林寺撲入重重圍裏拋擲火彈鎗箭齊發短兵砍殺生擒賊六十七名割獲首級四百五十寺內躲藏餘賊殲戮無遺不致一名漏網等語因思一月前賊或紛迸避爾時圍未週

使賊於一月前未立木柵時街突而逃追捕正自費力每

召見軍機大臣等豫諭及此然賊衆自蘭州被官兵擊退後即死守華林山被我兵得弩柵環攻盡數勦殺不復留餘孽實感

上蒼恩賜也

鳥散艱羅致知不足為患當更延久滯

負隅待盡殲誠感

天所賜然世有逆民即為君德累教化所未孚言及惟抱媿

言志

甘省捐監蠹始自王亶望木偶視督臣一氣通下上

始以

甘省歲被災地方吏欲藉捐監糧以為賑卹之用部議因准行並令祇收本色米其後乃私收折色銀實始自

王直望為藩司而總督勒爾謹竟如木偶並不參奏甚至通省上下聯為一氣冒賑分肥毫無忌憚因令阿桂等徹底嚴查方悉其弊定議收本色也貯倉資賑放墨吏收折色

也銀慾壑饕無量報部仍本色公然行詐誑何能終久瞞

水落石出狀利令其智昏抑亦良心喪此而遁抵法弊

吏將何尚冒賑兼剥民自取罪應償然予慮因咽廢食

益非當

辦理捐糧冒賑一案原為剔除官吏積弊使百姓實受賑濟之益但恐各督撫誤會此意因咽

廢食致將災賑之事靳固不舉因明降諭旨嚴切訓諭并傳諭李侍堯將甘省本年報災各屬派委明幹公正大員詳悉查勘即勘不成災亦量予撫卹或予蠲緩或借給口糧籽種以資接濟其有不肖劣員因無可分肥

欽定四庫全書

天章

諱災不報者尤必加倍重治其罪蓋積弊不可不去而災民不可不卹愛民所以事天丁寧訓誠不啻三

令五明道程語晦叔呂公謹言恒所仰寧受百人欺好

賢心莫曠吾以用之賑寧濫毋遺宥誠恐覲覲者謂吾

靳賑餉巧吏何弗為恤民事胥忘弊不可不懲即此恐

招謗吾如有所吝全蠲賦三貺丙寅庚寅丁酉三次降旨蠲免天下正供具各

省漕糧亦於丙戌庚子兩次降旨蠲免萬民被豈虛萬世傳寧妄是用布

赤心言志期共諒嗟乎為君難展轉增惆悵

迴蹕至御園作

山莊避暑木蘭獵

祖迹繩承畢聞

謨旰理宵批敢懈彼民難吏治益屋吾

今歲至山莊時正在辦理撒拉

爾逆回一案嗣節次據阿桂奏報撲剿賊營已誅賊首
蘇四十三其餘逆黨殲戮俱盡至六月間又據河臣奏
報黃河決口先邳睢南岸之魏家莊繼儀封北岸之曲
家樓今南岸已經堵築而北岸據奏報堵築工已過半
計十月中可以合龍因命阿桂於甘省事竣後取道赴
豫督辦又甘肅監糧折色一案王亶望為藩司視總督
勒爾謹如木偶偶與首府蔣全迪狼狽為奸通省上下
為一氣恣飽怨壑冒災殃民鞠訊得實分別抵罪嗣四
川復有囑哨匪搶劫拒捕之案且糾集多人竄入隣境
皆由總督大綏平日養癰貽患所致因降旨革職發往

伊犁効力贖罪以福康安代之督率文武嚴行查辦近已據報獲賊百餘人指日根株可盡聞聞得以安枕以上四事均於史治民生大有關係數月來飛章馳報批荅傳諭殆無虛日

御園蒞止昨何異

冬節初臨景畧殊忽憶五年前此况

暢春亟去問

安無

陝甘總督李侍堯奏報秋收七分有餘並秋雨情

形詩以誌事

甘省春夏間今年雨頻暨以此命詳察乃盡悉積

獎

向來甘省每歲報旱今春因叛回蘇四十三之事遣大學士阿桂尚書和坤先後往甘據節次奏報四五

月間攻賊之時每以雨阻且藩司福崧亦據實奏報得雨曾有詩誌慰因命詳查甘省節年報早緣由始得盡

惠王豐望等上下均通折收捐粮捐賑冒銷之獎

寧濫毋或遺原期民受惠利

民入私蠹濫乃至鬻吏方伯如坐尸上下通一氣

始以甘省

頻年旱灾地方吏請收捐監粮備賑部議准行原令祇收本邑未使受實惠後王豐望乃私行收折色銀與首府蔣全迪串通各州縣冒賑分肥毫無忌憚甚至如麥拒之指缺賄求公行鬻吏而總督勒爾謹竟如木偶一任各屬恣意妄行並未奏聞斯而不抵法君誠若旒綴然恐覲覲者

錯會吾之意謂吾或靳賑重增吾之罪既令而復申三

五已不啻

甘省冒賑一案經阿桂等查審得實因命將勒爾謹王亶望王廷贊解至熱河親鞫分別

治罪以彰國法其蔣全迪程棟以下多犯案賊多寡分別治罪庶剔除積弊此後或遇賑濟俾窮民實受恩惠但恐為督撫者誤會此意因咽廢食致將災賑之事靳固不報因屢降明旨嚴切曉諭遇有歲歉即當據實奏報並令督率屬員痛除積弊俾窮民均受實惠不啻三令五申矣即以甘省言偏災仍

命恤

甘省本年報偏災者已少仍傳諭李侍堯派委明幹公正大員詳悉查勘即不成災亦量予撫卹

蠲緩或借給口糧

今歲報秋收七分荷

天賜

李侍堯奏甘省夏秋以來除被水被雹受偏災數處其餘皆雨澤調勻秋禾粟穀雖糧大半黃熟間

有收割者寧夏水田稻穀亦漸成熟收成約在七分以

上此或因今歲積弊一清民情豫順感台天和雨

賜時若未必不由此也

市集糧價半吾民或少濟貪官何處無捐

監大奇蔽侵帑復利民豈有不招戾積弊一以清召和
理應致三黜遍閭閻奏心誠慰歷久被人欺是吾之
過事觀過可知仁自解兼明志

降旨加賑甘肅四縣被災貧民詩以誌事

壬寅

向來甘省每加賑墨吏侵之弗逮民

甘省每年報災加賑自王豐望為藩

司籍詞賑濟開銷監糧私收折色串通各州縣侵冒分肥因將王豐望等分別治罪以彰國法復恐此後或實遇偏灾督撫等誤會此意因噎廢食諱灾不辦屢降明旨嚴切曉諭遇有歲歉即當據實奏報並令督率各屬

痛除積弊俾窮民均受實惠

墨吏抵罪民何罪因啜廢食誨諄諄去

歲報災者四縣前弊盡去茲應真輕者借種上聲重加賑

甘省上年寧朔平羅等縣因河水泛溢秋禾被災已屢降旨照例給賑今春青黃不接因再加恩將被災較重之寧朔平羅二縣貧民展賑一月其災輕之隴西寧夏二縣著該督撫等查明缺籽乏食之戶酌借籽種口糧以資接濟俾災黎共慶安全用敷春澤

忠茲地瘠與民貧申諭大吏體予

意切忌諱災須直陳

陝甘總督李侍堯奏報甘省雨澤情形詩以誌事

甘省地瘠民本貧自昔無歲不報災去年勦賊頻阻雨

詢之乃悉弊所媒

甘省往歲每奏旱災上年因遠尚書和坤大學士阿桂先後往勸撒拉爾

據奏省城四五月間連得雨澤有益民田而畧阻攻克之迫因諭問向何每年稱旱始悉王宣望等捏災冒賑

之弊相習成風

懲貪示法逕民欠秋收多獲民氣培猶恐因噎

而廢食詩吟言志誠心開

甘省冒賑剝民積弊經阿桂等徹底嚴查得實王宣望等

抵法本因剔除積弊伏百姓得受實惠起見但恐該督撫等誤會此意因噎廢食致有靳恤災賑之事因明降諭旨再三申誠以積弊不可不去而災民不可不恤並賦言志詩頒諭中外以示開誠布公之意

春末

缺雨為厯念今辰始報佳音來月初陸續得被澤各屬

無不沾以該

四月二十二日據李侍堯奏蘭州于四月初旬連次得雨人於十一十二日省城得

欽定四庫全書

大章

雨深透四郊霑足並據各屬陸續具報得雨三四五寸及深透不等通省普獲應時甘澍遠近均沾等語覽奏為之欣慰隨復丁寧頒諭令李侍堯悉心查察各屬如間有一二歉薄之處仍行據實奏聞毋稍諱飾額

手西望為慶幸更頒勅諭叮嚀哉莫因目前望秋後一隅豈無獨泣儕君臣之設為民耳慎之其善體予懷

陝甘總督李侍堯奏報麥收雨水情形詩以誌慰

地瘠戶貧甘省信連稱荒旱却非誠率圖因賑官為弊徒

使向隅民受名

甘省地瘠民貧乃向年官吏竟藉報災賑濟為名折收監糧其實上下通同侵

冒分肥小民

去歲收成已過半今年時澤更如情

上年甘省

未霑實惠

於春夏間屢經得雨秋成頗稔今據李侍堯奏報通省各屬於本年四五月間陸續得雨深透其地氣較暖之處二麥棵豆均已揚花結實並有收穫者即收成稍晚處所麥豆亦經吐穗含花未苗滋長民情愉悅等語

驅除惡吏施實惠感召

天和福萬氓

陝甘總督李侍堯奏報甘肅收成八分詩以誌事

吏蠹弊以去民和召有應雨沾諸郡普秋獲八分增李侍
堯奏甘省今歲夏澤頻霑六月中旬後二麥先後登場
近復屢獲甘霖各種秋禾得雨滋培益見暢遂通省各
府州屬呈報田禾
收成共八分有餘
自昔荒區慮而今稔歲膺叮嚀仍致

囑莫視此為恒

甘省自清厘積弊後年來雨暘時若收成豐稔但該處素稱瘠土設將來偶遇

偏災地方官斷不可因連歲豐收稍存諱飾昨藩司福松陛見時已面加訓誡茲李侍堯奏復傳旨嚴行諄諭

令其仰體朕意時刻留心

陝甘總督李侍堯奏報甘省得雪詩以誌事

秋收報九分

昨據李侍堯奏報甘肅通省秋禾收成約九分

冬雪報四寸

據蘭

州省城於十月初九日得雪四寸且同雲密布勢甚寬廣附近州縣業據稟報是日得雪分寸相同農情深為

歡慰甘省所希聞額手慶非分墨吏去深弊赤子蘇久困

或因召

天和作善降祥信水懦風自慚法亦弗戢盡甚者率抵

罪一綫寬其論

甘省冒賑一案上下通同舞弊侵帑殃民于法都無可寬但人數衆多不忍概

予酬誅因命查將上年於蘭州有守城微勞之謝桓等三十一犯免死發黑龍江及極邊烟瘴地方至冬前勾決時又將侵冒銀一萬兩以下之周人傑等一十五犯亦照前例免死發遣蓋已寬四十六人矣

即看

勾到日亦被甘膏潤

十月二十七日勾決是日得雨三寸

益欽

帝照臨戒滿敢不慎

欽定蘭州紀畧

欽定四庫全書

欽定蘭州紀畧

總裁提調收掌纂修諸臣職名

總裁

經筵日講起居注官太子太保議政大臣 御前大臣武英殿大學士領侍衛內大臣大淵閣領閣事兼翰林院掌院事教習庶吉士管理吏部刑部事務頭等誠謀毅勇公正紅旂滿洲都統世襲騎尉

臣阿桂

太子太保議政大臣 御前大臣領侍衛內大臣大淵閣領閣事兼翰林院掌院事教習庶吉士管理吏部刑部事務頭等誠謀毅勇公正紅旂滿洲都統世襲騎尉

臣福隆安

經筵講官太子太保議政大臣 御前大臣領侍衛內大臣協辦大學士吏部尚書管倉部尚書理藩院尚書稽察內閣八旗事務官員倉管理理武備院圖書事務總管內務大臣步軍統領總導大臣領鑲藍旗滿洲都統世襲騎尉

臣和珅

太子太保戶部尚書仍管陝甘總督事務世襲嘉勇侯 臣福康安

經筵講官太子少傅協辦大學士戶部尚書臣梁國治
經筵講官戶部左侍郎署理吏部左侍郎事務臣董誥
御前侍衛戶部左侍郎兼管錢法堂事務總管鑾儀衛倉儲滿洲都統臣福長安
滿提調

光祿寺卿今陞噶什喀爾都統臣保成

戶部銀庫員外郎今任兵部武選司員外郎今中佐領臣伊江阿

戶部銀庫員外郎今陞內閣學士兼禮部侍郎臣松筠

戶部陝西司主事今陞西安副都統兼纂修事臣敷倫泰

漢提調

原任鴻臚寺卿江西布政使臣馮應榴

戶部陝西司郎中今陞吏科給事中兼纂修事臣劉謹之

兵部武選司員外郎今陞江南道監察御史兼纂修事臣汪日章

滿收掌

戶部廣東司員外郎今陞山西贛州府知府臣富尼善

戶部江南司員外郎今陞山西道監察御史臣舒濂

吏部文選司主事兼纂修事臣索明阿

欽定四庫全書

職名

漢收掌

工部都水司郎中臣蔣謝庭

刑部浙江司員外郎今陞山西道監察御史臣吳熊光

漢總纂

吏部文選司員外郎臣馮培

滿纂修

原任內閣學士兼禮部侍郎臣嵩貴

漢纂修

吏部文選司主事今陞考功司員外郎臣程維岳
宗人府主事今調工部都水司主事臣吳俊

校錄

內閣中書今陞起居注主事臣張曾效
原任戶部浙江司主事臣毛上良

內閣中書臣秦瀛

內閣中書臣章煦

欽定四庫全書

職名

欽定四庫全書

欽定蘭州紀畧卷一

乾隆四十六年三月二十八日辛丑陝甘總督勒爾謹奏言據蘭州府循化同知洪彬稟報廳屬撒拉爾回人蘇四十三等因爭立新教將舊教回人殺傷數名臣隨委蘭州府知府楊士璣河州協副將新柱前往查辦三月二十日午刻據楊士璣稟報新柱與該府帶領兵役前往循化十八日申刻

行至白莊子被新教回匪千餘人將莊圍住等語
臣不勝駭異即選派本標兵二百名帶同臬司福
崧星夜前往該處務將逆犯全數查拏嚴審治罪
儻敢負固不服即檄調附近官兵相機辦理

同日勒爾謹又奏言二十日戌刻途次據署河州
知州周植稟報新教逆回於十八日晚將知府楊
士璣副將新柱殺害等語臣思逆回罪大惡極必
須迅速勦除隨飛調固原涼州甘州西寧肅州五

提鎮兵共二千名星速前往臣於現帶本標兵二百名外又續調三百名帶同福崧連夜兼程前赴相機勦捕並札令提督仁和前往會同商辦又據河州署都司李奇稟報已派兵二百名交署守備袁尚仁帶往該署都司現在看守城池均奏入

上命軍機大臣傳諭勒爾謹曰回人爭教細事何致因此殺害大員其所爭立新教係由何處流傳向來有無此等名目是否另有希圖搶刼別情勒爾謹摺內

總未明晰聲叙將來獲犯時均應逐細審究詳晰具奏不可絲毫隱飾至勒爾謹初派本標兵二百名原屬過少其知府楊士璣副將新柱前往查拏時辦理亦未能妥協以致被賊殺害況知府副將係文武大員所帶官弁兵役自復不少若因兵少不能抵禦被賊傷損者多以致知府副將同時遇害自應據實奏聞朕必加之優卹若官弁不能督率兵役奮力禦賊甚或兵役等畏怯先逃致領兵大員遇害則逃兵等

均應拏獲正法不可少存姑息著傳諭勒爾謹俟事
定時遵照辦理至所帶兵數前後幾及三千又札會
提督仁和前往會辦仁和係曾經出兵打仗之人軍
務頗為熟悉勒爾謹當與之和衷速辦總以慎重明
決為要并諭仁和知之

臣等謹案甘肅地界邊陲民貧土瘠我

皇上德澤涵濡痼瘕在抱撫綏賑卹無一不上廑

宸衷至如蘭州河州等屬錯處番回沐浴

恩膏均入帡幪之宇乃撒拉爾逆回蘇四十三等因爭
教構釁竟敢戕害長官肆行抗拒實出

覆載生成之外其時督臣

奏函甫達

皇上首以慎重明決為

諭嗣後屢

示機要迅就掃除皆由

睿謨廣運炳燭幾先是以數千里外如在目前也

城亦屬可虞是以在州城屯劄堅守俟前調兵陸續到來如足一千名之數即親帶前往務將逆回盡行勦滅以快人心而伸：

國法奏入

上命軍機大臣傳諭勒爾謹仁和曰此時勒爾謹帶兵無多自應持重堅守俟仁和并前調各兵陸續到來一鼓擒滅方合機宜自不便輕易舉動至逆回本因爭立新教致相仇殺今聞該督摺內所稱殺官抗拒

佔據州城之賊如係新教首逆即應明切曉諭舊教之人赦其互相爭殺之罪作為前驅令其殺賊自効如此以賊攻賊伊等本係宿仇自必踴躍爭先既壯聲勢又省兵力而賊勢益分勦滅自易著勒爾謹與仁和相機妥辦至河州城池堅固有文武官弁兵丁守衛何致賊匪一擁而入將城佔據其平日所為守禦者何事所有該署都司及知州等應查明下落如因城池失守以一死塞責尚有可原如竟苟活潛逃

即當立正典刑以昭炯戒除另行傳諭西安提督馬彪帶兵二千名前往協同勦捕外並令西安寧夏將軍各預備滿兵一千名如必須協濟該督即一面飛調一面奏聞至健銳火器兩營尤為勁旅現亦挑選預備該督與仁和務須和衷協力妥速辦理

同日

上命軍機大臣傳諭馬彪曰勒爾謹所帶兵丁恐不敷用提督馬彪曾經出兵打仗著即挑選各營精壯兵

丁二千名選派勇幹將弁帶領星速前往隨同勦捕
毋致稍稽時日

同日

上命軍機大臣傳諭欽差大學士公阿桂曰據勒爾謹
奏蘭州撒拉爾回匪蘇四十三等搶據河州城勒爾
謹因兵力尚少現在屯兵狄道州俟各路營兵調齊
即行進勦等語現已傳諭西安提督馬彪帶兵二千
名迅速前往並諭西安將軍伍彌泰寧夏將軍莽古

賚各選集兵一千名預備僮須調用即令前往協同
勦捕並於火器健銳兩營兵丁內挑選預備阿桂此
時查辦河務已將次就緒著即速起程來京僮有必
須勁旅之處阿桂即可帶兵前往著將前降各諭旨
及勒爾謹仁和奏到各摺一併抄寄閱看

同日甘肅布政使王廷贊奏言二十一日申刻據
報賊匪進逼河州勢甚猖獗現在督臣勒爾謹帶
兵前往勦捕臣即飛稟督臣加調官兵速為應援

并嚴飭附近地方官多集兵役堅守城池查省城
重地甚為緊要臣現同蘭州道圖薩布候補道永
慶督同文武官員派撥兵役嚴密稽查小心防守
並安慰居民毋使驚擾奏入

上命軍機大臣傳諭王廷贊曰蘭州係省城重地著令
王廷贊督率堅守並須不動聲色毋得過涉張皇若
稍有疎虞王廷贊不能當其咎也

癸卯西安將軍伍彌泰陝西巡撫畢沅副都統薩

炳阿西安提督馬彪奏言臣等於本月二十四日
接准督臣勒爾謹札開甘肅撒拉爾回匪爭立新
教互相仇殺并將知府楊士璣副將新桂傷害現
已選派本標及檄調各鎮官兵親往勦捕等語查
逆回兇殘不法實為天地所不容今督臣帶兵前
往自當立即勦除但臣等思回匪必嘯聚多人方
敢肆行抗拒且其地內逼河州外連番境若再稍
稽時日不能全數誅鋤更屬不成事體自應協調

官兵前往方足以資策應臣馬彪久在軍營兼以
生長西寧熟悉情勢因即於二十五日星夜先行
馳往并遴選西安綠營精兵一千名臣畢沅妥速
料理派委西鳳營參將富舒後營遊擊海柱於二
十六七等日分起帶兵迅赴河州臣伍彌泰薩炳
阿現亦預挑西安滿兵一千名與臣畢沅察探情
形倘有必須調度之處臣伍彌泰曾駐西寧稍為
諳悉即當親自帶往奏入

上命軍機大臣傳諭阿桂曰據伍彌泰畢沅等奏提督馬彪已於二十五日星馳前往並選兵一千分起迅赴河州又伍彌泰現挑西安滿兵一千預備親自帶往接應所辦與昨降諭旨相合甚屬可嘉至新舊教既自相仇殺必非合夥或赦一勦一以分其力未嘗不可而其互相仇殺之罪待事定再辦此等機宜恐勒爾謹不曉且爭教仇殺起釁自非一日勒爾謹何以早未籌辦此時各路大兵雲集調度機宜最為緊

要恐勒爾謹未能料理悉協著傳諭阿桂竟不必來京即從河南取道徑往甘肅程途較近所有節次所降諭旨并批示奏摺已經抄寄閱看亦別無訓諭之處阿桂即由河南馳驛前往到甘肅後即將查明新教舊教及調度勦賊情形迅速具奏

同日

上命軍機大臣傳諭勒爾謹曰前勒爾謹所奏回匪名目及新教舊教總未明晰既係兩教爭立互相殘害

斷無官兵緝捕時轉致合而為一之理究係何教之人首先抗拒逞兇現在彼一教情形若何著勒爾謹即查明覆奏此時總須鎮靜辦理不可稍涉張皇再昨降旨預備健銳火器兵各一千因思自京至甘肅程途四千餘里若由烏魯木齊選兵前來較為近便已另降諭旨令奎林預備如有必須協濟之處勒爾謹即一面奏聞一面飛調

甲辰勒爾謹奏言臣現在駐劄狄道候兵力稍集

即行擒勦查蘭州固屬省會重地但若專顧省城
恐狄道有失臣起程時已留中軍副將和成額小
心防守一聞河州失事即飛飭布政使王廷贊會
同和成額加倍嚴防至各鎮道路遙遠調兵未到
其西寧鎮屬原調兵四百名茲據該鎮署副將貢
楚達爾稟報現已派兵一千名率同將備分起帶
往臣隨飭令迅速前進一到循化即就近直搗賊
巢臣領兵由狄道河州一帶分途擒勦兩路夾攻

仰仗

聖主天威自能全數就獲

勒爾謹又奏言查固原鎮總兵圖欽保奏請

陛見已蒙

恩允臣現委洮岷協副將策卜坦接署鎮篆茲圖欽保
尚未起程臣即檄調帶兵前來幫同勦捕策卜坦
暫令駐劄蘭州協同防守再臣原派涼州鎮屬兵
四百名據該鎮總兵官德寧報稱原調四百之外

又添派二百名已於三月二十三日帶領起程均
奏入

上命軍機大臣傳諭勒爾謹曰據勒爾謹奏現駐狄道
州候兵力稍集即行進剿自應如此辦理此時務須
持重安慰衆心至署西寧鎮副將貢楚達爾已派兵
一千率同將備前進頗為勇往曉事如到彼果能出
力即可勝西寧總兵之任又現在調集之提鎮仁和
馬彪圖欽保等均係効力戎行熟習軍旅之人勒爾

謹當與之和衷共濟將來仁和等勦賊成功即勒爾
謹之功切忌自用

同日

上命軍機大臣傳諭阿桂曰昨降旨令阿桂馳驛前往
甘肅辦理勦滅逆回事宜此時諒已奉到前旨迅速
進行矣因思阿桂到彼調遣需人已派乾清門巴圖
魯侍衛福寧泰斐英阿明山阿蘭保各賞銀一百兩
馳驛前往甘肅聽候阿桂差遣又現在來京引見之

肅州都司馬雲即係西寧人熟悉該處情形亦賞給銀一百兩隨泰斐英阿等一同馳驛前往聽用看來此事起釁已久勒爾謹平日不能約束使之知威知懼或存將就了事之見以致釀成事端阿桂務悉心籌畫妥協辦理將賊匪勦滅盡絕根株以靖地方並此案或因勒爾謹辦理不善或係地方官釀成均著詳晰查明具奏

臣等謹案回衆爭立新教與舊教互相仇殺肇

釁已匪一日使地方大吏早為審斷經理得宜
原可弭患未形乃姑息因循寢致養癰貽害勒
爾謹實難辭咎我

皇上洞燭如神於逆回起事之時已知督臣素無約束
釀成事端

命臣阿桂即由河南馳驛前往詳晰查辦臣阿桂等仰
稟

睿裁悉心調度凡綏靖機宜靡不在

聖明宵旰中矣

同日伍彌泰畢沅薩炳阿奏言臣等挑撥綠營兵一千名已於二十六七等日派員分起帶領全數起程約計四月初五六間即可前抵蘭州復接據布政使王廷贊等稟稱逆回已將河州攻破該回匪勢甚猖獗自應厚集兵力尅日勦除昨臣等預挑西安滿兵一千必須前往接濟方為妥協現已分作兩起臣伍彌泰於二十七日親自率領頭起

官兵並攜帶印信星速起程其第二起即於二十
八日派委協領等帶領前進與督臣勒爾謹等商
酌相機會勦奏入報

聞

同日畢沅又奏言二十八日辰刻接據蘭州馬兵
袁秉文稟稱逆回於二十五日午刻進逼蘭州焚
燒闕廂所有調到涼州鎮羌靖遠及大城看守兵
丁傷折過半大城眼前失事等因逆回兇殘不法

變出非常急須厚集兵力速行殄滅查馬彪帶領
西安綠營兵一千伍弼泰帶領西安滿營兵一千
已先後進發臣聞信後復飛札催促趲行應援臣
前酌量逆回情形已於所調兵二千餘名外預調
延綏鎮兵一千名現又續調一千名令從固原平
涼一帶星速前往又飛調興漢鎮兵五百名令總
兵三德帶領從畧陽鞏秦一帶前往但各處路途
遙遠官兵即晝夜遄行到彼亦須時日而逆回猖

獮已甚非得八旗勁旅恐未能立即勦除仰懇

皇上迅發京兵并派熟悉軍務大臣帶領前來以資策
應至陝省此時兵力合計不過萬餘現已檄調三
千五百名而南北地方遼濶兼之漢鳳畧陽陽坪
關隴州等處亦係外通番境處處緊要均須妥為
防守是本省兵丁不敷再調臣已飛札知會四川
督臣文綬將軍臣特成額提臣明亮飛調官兵由
畧陽一路間道前赴甘省之秦鞏一帶以便堵截

會勦復飛札河南撫臣富勒渾山西撫臣雅德飛
調該二省官兵前赴西安省城聽候調遣至沿途
臺站車輛馬匹糧餉軍火器械各事宜臣已與布
政使尚安按察使浦霖等分頭迅速妥備務期無
誤軍行再西安省城存貯火藥鉛丸除已調發外
庫內所存無幾臣現在催促製造陸續運往並飛
咨河南山西撫臣令其各備五萬斤速派委員運
送西安以資接濟奏入

上命軍機大臣傳諭阿桂畢沅曰本日畢沅奏逆回進逼蘭州焚燒闕廟省城眼前失事已飛札文綬等調兵會勦復札富勒渾雅德調河南山西兵前赴西安聽調並懇迅發京兵派熟悉軍務大臣帶領前往等語昨已傳諭阿桂令其即由河南星赴甘肅今逆回如此猖獗阿桂應即迅速遣行現派尚書和珅額駙拉旺多爾濟領侍衛內大臣海蘭察護軍統領額森特馳驛前往甘肅並派巴圖魯侍衛帶健銳營兵二

千名火器營兵二千名即日分起迅速前往如和坤等先到甘省即行調遣辦理俟阿桂到彼即交阿桂接辦和坤仍即回京供職

同日

上命軍機大臣傳諭袁守侗文綬特成額明亮富勒渾雅德曰畢沅奏調四川官兵現有從前曾經平定金川之兵可以調往堵截至河南山西二省兵本不多且防守亦為緊要該撫等止須預備于本省邊境聽

候調遣不必即赴西安惟所需河南山西各備火藥鉛丸五萬斤即當迅速辦運接濟至京兵四千名由直隸山西一路前往所有應用馬匹車輛及例應供給之處必須早為預備俾京兵迅速進行

同日畢沅薩炳阿奏言逆回進逼蘭州必須再調滿兵以資策應臣薩炳阿現已挑選西安滿兵六百名即日帶領起程星夜前往與臣伍彌泰協兵會勦所有滿營各事務現交臣畢沅管理奏入

上嘉之

乙巳

上諭內閣曰現在甘肅需用銀兩甚屬緊要所有該省
春撥銀八十萬兩尚恐不敷著再於部庫內撥銀一
百萬兩仍於鄰近省分先行遞撥解往俾得迅速濟
用該部即遵諭行

上又諭內閣曰農起著賞戴花翎馳驛前赴甘肅辦理
軍需李侍堯著加恩免罪賞給三品頂帶並賞戴花

翎與副都統黃檢一體馳驛前往並著和坤傳旨黃檢即由保定前往不必來京

同日

上命軍機大臣傳諭阿桂和坤曰現在甘肅省事務紛繁急需大臣協同料理而軍需出入尤關緊要因思李侍堯前經獲罪但其才識可用此時需人之際不能復拘常格已傳旨免其前罪賞給三品頂帶花翎令前往甘肅入安徽巡撫農起來京陛見人尚結實

亦令其前往又昨因黃檢在山西直隸聲名平常念
伊祖黃廷桂舊勞仍用為副都統伊辦事尚屬勇往
著和坤於過保定時面傳諭旨令其隨往伊等三人
俱著總辦甘省軍需事務此外如有應辦事件阿桂
和坤亦可一面交辦一面奏聞並派司員內京察記
名以道府用之海廣李烜豐紳蘇楞泰保年景如栢
前往甘省交阿桂和坤差遣委用再應用武職人員
現在派往之乾清門侍衛等即可酌量調派其候補

副將和倫亦已傳旨前往此外如尚有需用武職人員並著就近檄調至阿桂和坤辦理此事必須印信已令福長安齎欽差大臣關防交與和坤帶往甘肅俟見阿桂即令轉交應用

同日

上命軍機大臣傳諭畢沅曰此次甘省需用銀兩較多已諭令該部於甘省春撥銀八十萬兩外再撥部庫銀一百萬兩並先令鄰近省分遞撥解往著畢沅即於

陝省庫貯內先行的撥選派妥幹員弁帶領兵役護
送毋稍疎虞

同日山西巡撫雅德奏言臣於三十日未刻准陝
西撫臣畢沅札稱撒拉爾回匪直撲蘭州兵力不
支陝省存營兵丁無幾現已請調京兵恐緩不及
濟晉省與陝甘較近迅即酌派官兵星夜前來赴
甘會剿等因伏思小醜跳梁必須多派官兵進剿
以期迅速歲事擬派太原鎮兵一千五百名大同

鎮兵三千五百名共兵五千名已飛咨兩鎮調撥
並多帶鳥鎗兵以資得力查大同鎮界處邊陸地
方緊要且現在殺虎口副將尚未到任未便擅離
太原鎮總兵福敏泰熟練軍務即令該鎮將所派
兵一千五百名限三日內帶領起程其大同鎮所
派兵三千五百名每兵一千名派出叅遊一員為
總領再派都司一員守備二員千總五員把總外
委各十員分司管束並備隨營調遣之用挨次起

程總歸福敏泰管轄協同會勦奏入

上命軍機大臣傳諭阿桂和珅雅德富勒渾曰昨傳諭山西河南官兵止須在該省邊境駐劄以備調遣今據雅德奏言派兵五千名令太原總兵福敏泰帶領赴甘會勦是晉省兵丁業經起程現在和珅前往甘肅驛路本由山西行走即於經過時帶兵前進聲勢更為有益至河南兵力本不及山西著仍遵照前旨於本省邊境駐劄毋庸前赴甘省

同日王廷贊奏言臣於督臣勒爾謹帶兵起程後率同文武各員嚴守省城城中兵除勒爾謹帶去五百名外止存督標兵三百餘名臣隨檄調附近之莊浪滿兵三百名漢兵二百名涼州滿兵六百名西寧鎮兵於原調四百名外又調一千名前來應援河州距省三百八十里逆回佔據河州後即於三月二十五日帶賊衆三千餘人由間道徑抵蘭州韋是日莊浪滿兵三百靖遠漢兵二百先至

臣即撥派兵二百名民壯百餘名出城在路口迎擊
我兵多有損傷賊人直困蘭城今已兩晝夜於二
十七日已刻聞涼州滿漢兵九百名已抵省城之
河北正欲渡黃賊衆竟殺傷護守浮橋兵民將橋
拆斷把住河口兵難過河城內守兵單弱勢在危
急而督臣駐劄狄道以待援兵均不能尅期即至
臣為

國家城池人民所關甚重不即死戰以悞大事惟有

悉力守禦倘荷

聖主洪福固原西寧之兵旦夕一至庶可獲全

王廷贊又奏言此案內有安定縣回民馬明心係
新教之主前經循化廳查出解省收禁今賊人來
犯省城並聲言索取馬明心臣許其城上一見諭
以稟明督臣俟批覆到時即行釋還原欲為緩期
集兵之計但逆回兇惡實不可信況該犯為新教
起事恐遲則生變或致被賊搶歸臣於令賊人見

面後即將馬明心正法以免疎虞奏入

上命軍機大臣傳諭阿桂和珅伍彌泰畢沅馬彪王廷
贊曰據王廷贊奏報賊匪直抵蘭城困守兩晝夜等
語伊係大臣能如此固守若再待數日援兵一至即
可保全城池是即王廷贊之功深為可嘉又奏稱賊
人索取馬明心王廷贊許令城上一見後即行正法
既安賊匪之心又將賊首正法辦理甚合機宜著伍
彌泰馬彪速催滿營綠旗各兵丁迅速前進赴援此

時伊等統兵行至何處距蘭州尚有幾站即速奏聞
王廷贊著賞戴花翎並賞御用大荷包一對小荷包
二對交與伍彌泰等遣人齎賞王廷贊並傳旨嘉獎
和珅接到此旨時亦即催伍彌泰馬彪所帶之兵迅
速行走並將王廷贊能固守省城先除賊首之處明
晰獎諭至此次為王廷贊齎摺出城之人亦屬能事
可嘉並著伍彌泰等查明重賞以示鼓勵

臣等謹案逆回佔據河州進逼省城肆擾無忌

實為罪惡貫盈

皇上以蘭州省會重地早

飭藩司王廷贊督率防護毋致疎虞茲因王廷贊奏報
固守蘭城以待援兵之至

嘉其守土勤勞

獎賚稠渥復念及緹城馳摺頗屬能事亦令並逮
恩施

甄錄所加不遺微末是以身受者無不感奮自効也

欽定蘭州紀畧卷一

欽定四庫全書

欽定蘭州紀畧卷二

丙午

上命軍機大臣傳諭阿桂和珅曰現在逆回佔據河州
州民畏其殺害勢必脅從伊等本係愚民猝遇賊衆
凌逼其罪可寬至生監等從賊草茅微末尚可稍貸
若本身在京及在各省出仕者或其家屬從賊情亦
稍有可原惟曾經出仕回籍人員如有甘心從賊不

顧名義法無可恕必當從重治罪著阿桂和珅於勦滅賊黨後查明分別辦理

丁未阿桂奏言本月初一日臣在安陽途次接奉
寄到

諭旨並閱勒爾謹等各奏摺逆回罪大惡極自應立即
勦除現已欽奉

諭旨令馬彪帶兵前往并諭伍彌泰莽古賚各選兵預
備調用並於火器健銳兩營兵丁挑選預備仰見

睿慮周詳無微不至臣思逆回意在刼殺因河州先已
派去兵丁二百名存城兵力單弱居民事出倉皇
各顧家室不能盡力守禦以致猝被攻破現在提
督仁和及勒爾謹前調各營兵二千名陸續到齊
兵力既集無難一鼓擒滅臣於二十八日晚由時
和驛起程因瘡疾發動每日僅能行百餘里今接
奉

諭旨儘力邁行約計初九初十可以到京奏入

上命軍機大臣傳諭阿桂和坤伍彌泰畢沅農起尚安
曰阿桂奏到遵旨回京一摺計拜發此摺後又接到
續降不必來京之諭旨諒即由途次前往但伊因瘡
疾發動每日僅行百餘里此時即竭力趲程恐亦未
能迅速到甘現在甘省急需重臣督辦刻不能緩和
坤年力強壯行走自能便捷計可到在阿桂之先務
須星夜兼程前進督辦一切俟阿桂到省後和坤仍
遵旨將所辦事宜詳細告知阿桂再行回京至和坤

到彼倘亦不能尅期其自西安至甘省一帶現在乏人料理關係綦重伍彌泰帶兵前進計此際已抵甘省所有一切調度應辦軍需糧餉各事宜即著伍彌泰悉心經理並著傳諭尚安就近即速馳赴隨同伍彌泰辦事仍將如何經理之處一面迅速覆奏一面通知阿桂和珅至尚安起程後西安又少大員協理著傳諭農起迅速趕赴西安留同畢沅和衷商辦其西安布政使事務另行奏署再由京派往之滿漢司

員本係記名以道府擢用人員如畢沅有需人之處
即酌留一二員聽候差委

同日河南巡撫富勒渾奏言臣接准陝西撫臣畢
沅札稱令臣酌派官兵前赴西安調用自應就近
撥往以資接應查河南通省各營額設兵九千九
十五名內河北南陽二鎮各設兵四千餘名臣已
飛札該鎮各挑健兵一千名即令曾經出師金川
之河北鎮臣觀成先統兵一千名馳赴西安候調

其南陽鎮標兵一千名另派歸德營叅將王國士
暨遊擊守備等員亦分二起陸續前往臣同藩司
李承鄴辦理妥協即馳赴陝豫交界之潼關地方
稽查點驗催送出境並分飭接壤各屬嚴密防堵
再准畢沅咨會令臣撥解火藥五萬觔赴西安備
用臣現於貯藥較多之河北鎮左右二營河南開
封二營各撥一萬觔陝州營二千觔臣標左右二
營各四千觔共足五萬觔之數分委妥幹弁兵星

馳解往奏入

上命軍機大臣傳諭阿桂和坤伍彌泰富勒渾畢沅曰
據富勒渾奏稱於河北南陽二鎮各挑兵一千名令
河北鎮臣觀成等帶領起程等語前經降旨令該省
官兵於邊境駐劄備調毋庸前赴甘肅今該撫既預
為調集派往俾甘省多得兵力接濟以壯聲勢亦屬
可行此項官兵若未入陝西境仍可不必前往若已
入境即令前往俟阿桂和坤到彼相機進剿時聽候

差委

戊申阿桂奏言臣於直隸磁州途次接奉寄到

諭旨令臣即速來京以備帶兵前往甘肅臣思逆回嘯

聚不過二千餘人沉河州城內俱係百姓無可脅

從不難立即殲除現在勒爾謹等續調各營兵丁

諒已到齊又有西安提督馬彪先行馳往並遴選

西安綠營兵一千名分起迅赴河州計西安至蘭

州十八站蘭州至河州二三站約本月初旬可到

自必將逆匪勦滅全完如果賊勢猖獗必需續添兵力所有帶兵之人最為緊要伏乞

皇上於海蘭察額森特二人內酌派一人先行馳往並令於侍衛章京內如阿爾都等前在軍營得力伊所深知者揀派數人奏

聞請

旨派令前往至奎林勇往能事但由烏魯木齊帶兵前至河州亦幾及四千里未免行走遲滯將來如果

調用奎林竟請

特降諭旨令其先行馳往並令於所屬厄魯特內挑選
精兵一二百名派員隨後帶赴河州備用更為有
益臣接奉

諭旨後即帶同軍機司員仍由彰德衛輝一帶前赴甘
肅惟有儘力趲行以期早到奏入

上命軍機大臣傳諭阿桂和珅曰據阿桂奏在磁州接
奉諭旨即由彰德衛輝一帶儘力趲行等語海蘭察

額森特二人業經派令同和珅前往其阿爾都等亦
隨同和珅赴甘至奎林先已降旨令其帶兵來甘後
因烏嚕木齊至甘肅程途太遠恐緩不濟急復經降
旨停止此時派赴之人甚多亦無需奎林一人也

上又命軍機大臣傳諭阿桂和珅曰逆回傷害職官佔
據河州一案總係勒爾謹平日不能預為覺察以致
養癰貽患及事發後又不詳查起釁根由確實陳奏
事完之日阿桂和珅必須徹底根究實在如何貽誤

之處不得稍涉含糊再王廷贊所奏安定縣回民馬明心係新教之主則其人實為此案首犯但究係何時拏獲如何審辦勒爾謹從前並未陳奏殊不可解至此等回匪將來辦理時凡隨同逞兇肆逆搶佔河州圍逼省城者均應勦洗不得稍存姑息使隣近番人知所畏懼此為綏靖邊方起見不得不如此辦理至賊匪人數據勒爾謹原奏連婦女不過二千人而王廷贊奏稱圍蘭州時有三千人蓋伊身在圍城未

免為羣言淆惑其實逆賊既佔河州必不肯捨棄自
必留人佔守甚或分其黨羽侵犯狄道亦不可定焉
得復有三千餘賊圍逼省城此或賊人所過地方脅
迫良民為之先驅將來執訊時不可不分別辦理此
皆阿桂和珅到甘省時應行留心酌辦之事著即先行
傳諭令其存記遵照妥辦

臣等謹案自古聖王綏靖疆隅式遏寇虐為邊
方大吏者理宜申明教誡宣播

德威使宵小無由竊發若狃於積習姑息養奸勢將滋蔓而不可制甘省大吏歲久廢弛致小醜跳梁

肆行滋擾自屬責有攸歸

皇上厘念邊陲

特命重臣從嚴辦理凡隨同肆逆者盡予翦除以杜亂萌而申國法至圍城賊衆恐有良民被脅先驅諭於執訊時加意區別俾免玉石俱焚所以為義之盡仁之至歟

同日雅德奏言臣前准陝西撫臣畢沅札會於太原大同二鎮調撥兵丁五千名派令總兵福敏泰帶領前往策應茲四月初二日酉刻接據畢沅札稱探得三月二十七日以內蘭城併力固守該處提鎮及西安滿營并陝甘各路之兵俱陸續可到足資保護令晉省止備兵一千名如有必需應用再行調取等因查現在所調官兵尚未起程臣隨飛咨大同鎮臣旡行停止並咨會太原鎮臣福敏

秦將所派兵一千五百名內挑選一千名仍為預備如果必須調用俟陝省知會到日再行起程

雅德又奏言現在調兵進剿逆回文報來往關係緊要臣飛飭沿途州縣添設腰站多備脹壯馬匹以供馳送並令該管道府親往董率稽查務期加倍迅速至京兵過境一切車馬草料供支等項自須預為妥備以利進行查山西省甘桃驛至榆次縣之王胡驛俱係崎嶇山路車馬難行隨與藩司

譚尚忠等悉心籌議擬於該三處全備騾馬以備官兵乘騎及馱載軍裝之用其餘各站應付車輛馬匹事宜已密飭地方各官上緊趕辦尅期妥備均奏入

上命軍機大臣傳諭阿桂和珅畢沅伍彌泰馬彪曰本日據雅德奏接據畢沅札隨將大同鎮兵停止等語畢沅所辦真屬曉事可嘉但伊何以此時尚未奏到著傳諭畢沅即將現在情形及一切調度事宜隨時

速奏至西安滿營並陝甘各路之兵日內計可將次到齊著傳諭伍彌泰馬彪即將官兵曾否到全現在如何籌辦進剿之處迅速馳奏至和珅諒已兼程前進不必帶領晉省兵丁行程更可迅速

上又命軍機大臣傳諭雅德曰雅德奏添設腰站多備馬匹以供馳送文報所辦甚好至京兵過境預備驛馬以利遄行等語此則可以不必兵由河南而行惟派出大臣侍衛官員及文報往來仍由山西行走屢

經降旨傳諭雅德即遵照辦理一切妥為籌備不必
稍涉張皇

己酉勒爾謹奏言臣前因逆回佔據河州隨檄飭
循化文武各員擒獲四十三等家屬并飭署西寧
鎮貢楚克達爾帶兵由循化一帶截其歸路以便
兩路夾攻旋聞逆回由小路潛赴省城其存留河
州之賊自屬無多即飛飭貢楚克達爾作速收復
河州臣將原帶本標兵五百名留二百名駐守狄

道率同臬司福崧帶兵三百名並傳集土兵七百名星夜旋省救援於二十九日抵省現在提督仁和總兵圖欽保德寧城守尉額爾恆額俱先後到蘭所有勦捕事宜臣等惟有公同商酌四路擒拏務期迅速竣事并慮逆回勢窮力促或由洪濟橋沙泥站兩小路逃竄已分派官弁帶領漢土官兵分途前往預備擒拏

同日勒爾謹又奏言據西寧鎮標遊擊祥保循化營遊擊

呼嵩阿稟報帶領漢土官兵赴河州擒勦匪犯已將守城賊黨十九名盡行殲斃擒獲蘇四十三之姪蘇二個現在嚴行監禁并派千總楊有鳳領兵一百名駐城彈壓又據循化文武各員稟報生擒要犯蘇五個係蘇四十三胞弟并獲馬八十三等十七名又搜獲回婦二十三口俱經監禁等語臣飭將所獲各犯派委員弁嚴加鎖鑰聽候訊明辦理并嚴飭再行搜拏毋使一名漏網並遍張曉諭招撫河州一帶逃散

居民各安生業一面選差妥員速赴河州加意撫恤以期小民得所

同日甘肅提督仁和奏言臣于三月二十六日酉刻行至距蘭州四十里之沙井驛地方聞省城鎗砲不絕旋據馬夫報稱撒拉爾回匪約有二三千名已從蔣家灣前來圍困蘭城燒燬西南關廂并將浮橋拆斷道路不通臣聞信急欲往援但止帶官兵十數名正在焦急間適有涼州總兵德寧帶

領標兵三百名署副都統城守尉額爾恒額帶領
涼州滿兵三百名齊抵沙井驛因橋已拆斷隨差
弁赴張家河灣一帶覓辦船隻至二十七日有莊
浪土司魯璠帶番兵二百從黃河南岸前來應援
臣即令該土司番兵在南岸劄營以牽賊勢一面
傳令船隻在金城關一帶分布臣等是夜帶領官
兵直至金城關渡口二十八日黎明臣因金城關
係省城咽喉最關緊要即於該處把守船渡並

派兵將砲向賊施放使其不能堵遏賊匪一見我
兵從燒燬房屋內用鎗石飛打臣即督令德寧額
爾恒額乘船直過河南官兵奮力上岸時有關廟
內藏匿回匪齊出迎撲臣一面在金城關飛速打
砲一面督兵在河沿劄定接仗土司魯璠亦帶領
番兵從南岸賊營之後奮力攻打賊匪雖屬猖狂
仰賴

聖主天威我兵努力奮擊城上官兵亦施放鎗砲直至

申刻將賊匪擊退上山臣因兵力單微未及追趕
並因城西逼近黃河難以劄營隨令官兵繞至城
東寬濶地方安營嚴加堵禦一面檢查屍身約鎗
砲斃賊四五十名我兵內都司王宗龍陣亡是夜
固原鎮總兵圖欽保帶兵五百名從省城東路前
來亦在城東劄營二十九日早賊匪從嶺下撲圖
欽保及德寧額爾恒額等即帶兵迎擊臣是時立
即過渡親督官兵奮攻直至山梁臣等公同察看

賊人約有二三千名若在山梁劄營恐兵少無益
商定帶兵緩撤至山下劄營堵禦此次雖未佔據
山梁而官兵甚為奮勇斃賊甚多並生擒二名圖
欽保親殺賊首四級至督臣勒爾謹於是日晚從
狄道抵省臣等現在籌商竭力勦捕以期迅速歲
事均奏入

上諭內閣曰此次仁和等會勦逆賊奮勇出力均屬可
嘉仁和圖欽保德寧額爾恒額貢楚克達爾均著交

部從優議叙並各賞大荷包一對小荷包二對額爾
恒額並著賞帶花翎德寧貢楚克達爾如未經賞戴
著一體賞給戴用遊擊祥保呼嵩阿殲擒賊犯亦屬
能事均著交部從優議叙土司魯璫亦勇往可嘉著
加一等賞給職銜並賞戴花翎以示獎勵至畢沅在陝
西境內聞有甘省逆賊滋事即能悉心調度事事妥
協並有先辦而與朕旨相合者實屬可嘉之至著賞
給一品頂戴仍交部從優議叙並賞給大荷包一對

小荷包二對布政使王廷贊於逆賊圍逼省城時能
悉心守禦且將新教首犯馬明心先行諭示賊衆復
即正法辦理實合機宜業經賞給荷包花翎著加恩
賞給一品頂帶仍交部從優議叙至此事係勒爾謹
從前經理不善以致養癰貽害其咎原無可辭但伊
現在辦理收復河川及會勦逆回尚屬迅速妥協統
俟事畢後再行核其功過另降諭旨其陣亡都司王
宗龍甚屬可憫所有應得賞卹該部照例議給其陣

亡受傷滿漢官兵及土兵等均俟查明議卹

臣等謹案賞功罰罪政治之大經撒拉爾回匪肆逆經仁和等統兵會勦仰藉

天威擊退上山勢已日就窮蹙我

皇上特降

恩綸於奮勇之提鎮以下並土司魯璫均予優叙至陝

甘宣力諸大員俱進階逾格即勒爾謹因循貽

誤咎本難辭亦以此次收復河州未忍遽加嚴

譴後冒賑折收一案爰書既定仍不曲事姑容

仰見

大聖人刑賞大公至正一惟其人之自取絕無稍存成
見也

同日

上命軍機大臣傳諭和坤勒爾謹畢沅曰據勒爾謹奏
擒獲蘓四十三之姪蘓二個胞姪蘓五個並獲要犯馬
八十三等現在嚴加鎖鑰候訊等語蘓四十三弟姪

並馬八十三等俱係案內要犯該督即派委幹員押解並即此外拏獲助惡要犯一並迅速解京沿途小心防範毋稍疎虞至仁和摺內官兵直至山梁察看賊勢又稱此次雖未佔據山梁所奏尚未明晰該提督所指山梁係屬何名現在賊人是否佔據山梁著即查明覆奏至阿桂現有瘡疾恐未能迅速行走已諭令不必勉強而和珅行走必速仍須馳往甘省督辦一切並將善後事宜會同勒爾謹妥協辦理

同日阿桂奏言臣於初三日行至衛輝接奉

諭旨及畢沅奏到各摺逆回竟敢進逼蘭州官兵多有
傷折賊勢如此猖獗殊堪髮指非厚集兵力大加
殲戮淨絕根株不足以抒憤恨臣現在晝夜兼程
行走但自恨為瘡疾所累不能迅速星馳計每日
連夜趲行總在二百里以內實深焦急現奉

諭旨派尚書和坤等馳驛前往自可先到甘肅調遣辦
理然臣亦不敢因派辦有人稍紓已責惟有儘力

無程以期迅到接辦奏入

上諭曰今日接勒爾謹奏到賊勢已敗諸事易辦卿可放心養瘡而行若再接佳信並不往亦可

同日畢沅奏言臣因逆回進逼蘭城飛調各路兵丁前為應援茲據提臣馬彪來札知蘭城尚在固守督臣仍駐狄道互相牽制俾賊人不致蔓延四出現在馬彪等所領西安固原兵一千四百名業已到蘭至伍彌泰薩炳阿帶領滿兵一千六百名

約於初五六內亦可先後齊集再臣前恐提臣處
領兵將弁不敷派委查潼關協副將馬鎮國久在
戎行熟悉形勢都司董秀亦經出兵打仗因續行
就近調取兵丁三百名於初一日由西安星速前
赴提臣處接濟再延綏鎮兵臣先後飛調共一千
五百名令仍從固原平涼一帶迅速前往至督臣
現由狄道前拒賊衆腹背受逼而兵力更為單薄
亦須速行接應所調興漢鎮兵五百名臣亦飛催

總兵三德令從畧陽白馬關小路行走約於初六七即可前至狄道以資接應至臣前因蘭州省城形勢甚危迤東州縣守備皆虛而陝省現存兵數又不敷再調是以飛咨四川河南陝西三省酌派官兵速為策應今已隔五日而西安及各路官兵陸續前到蘭州司道等守禦甚力似可無意外之虞臣續又知會撫臣富勒渾只於就近陝省各營分挑撥五百名且在本營預備至山西距陝較

近臣亦知會撫臣雅德挑選兵一千名在於蒲州
駐劄統俟酌量局勢如必須接濟再行咨調至四
川省川北一路界連甘肅尅期可到且狄道迤南
一帶山勢險隘東達鞏秦處處均關緊要必得川
兵一二千名間道星速邁行直抵狄道非但協同
進剿大可得力且秦鞏等處聲勢聯絡回匪聞風
震懾自無滋蔓之虞臣現又飛咨四川將軍提臣
迅即調援如數日內甘省河西之兵各路並集足

資會勦無需隣省兵丁協濟即行飛咨停止再聞
賊匪現在蘭城西關外八蜡廟五泉山等處屯聚
今提臣及各路官兵陸續會集自可立即殲除一
有捷音臣即飛摺馳

奏仰慰

聖懷奏入

上命軍機大臣傳諭文綬曰據畢沅奏如數日內甘省
河西之兵各路並集足資會勦即飛咨四川停止調

遣等語本日又據勒爾謹等奏到現已收復河州籌辦勦捕無須復調多兵所有川省官兵著傳諭文綬即行停止

上又命軍機大臣傳諭索守伺雅德富勒渾曰前因甘省逆回佔據河州令河南山西兩省選派綠營官兵預備調用並派健銳火器營兵四千名派員分起帶往本日據勒爾謹等奏稱收復河州賊勢已敗所有籌辦勦捕事宜此時已無需各省兵力除未經起行

之京兵二千名停止發往外所有前調之山西河南等省官兵自應一併停止若已經調發出境亦即飭令各歸本營以省遠涉糜費

同日畢沅奏言現在各路官兵進剿逆回自西安至蘭州一路自應安臺添站以利差務而速郵傳除陝省境內已飭布政使尚安前往妥為料理外至甘省涇州迤西各屬所有糧餉馬匹草料等項均須及早籌備而蘭城阻絕無項可領臣已飛檄

各該廳州縣如本處庫無存項現有必需應用之處各差妥員攜帶印領酌定數目赴西安藩司庫內借領以應急需將來另行核算至大路州縣郊乾以西臯蘭以東地方多係瘠薄民間畜養馬騾本少查綠營出兵向無供支脚力之例此次行程急迫晝夜併站趲發無以二十八九等日連值陰雨道途泥濘若令步行前進誠恐遲滯有悞軍行臣因飛咨沿途各站不拘車馬騾頭酌量多寡預

備令各官兵等接濟脚力到站更換以資迅速而各路赴蘭官兵所須火藥鉛丸弓箭等均係緊要必須每日雇覓車騾倒換前進方足以資接濟臣恐地方官辦理不善致滋小民擾累甚將車馬隱匿不前以致貽誤復諄切曉諭令各寬給價值將來事竣後酌量應銷之項准其核銷則兵行自必迅速而小民所畜車馬價值寬舒必更踴躍趕赴以供雇覓於軍務較有裨益奏入報

聞

庚戌

上命軍機大臣傳諭和珅曰此時逆匪勢已窮蹙只須
痛加搜勦諸事易于辦理所有火器營兵二千昨已
降旨停止派往其健銳營兵二千名內尚有五百未
經起程現在亦經停止至於已去之一千五百名和
珅于行抵西安時諒已知其大概或告知畢沅令其
暫行停住西安聽候調用或約料無須此項京兵即

可一面奏聞一面令其回京其海蘭察額森特乾清
門侍衛等本為帶兵打仗派往若京兵已停其赴甘
和坤或留一二人聽用或令伊等一並回京皆可至
所有派往大員亦不必全令馳赴著傳旨令李侍堯
回京候旨另降諭旨農起亦著即回京陛辭仍回安
徽巡撫之任再前次派往之京察一等記名司員李
烜等六員到甘後并著和坤勒爾謹畢沅商酌如雨
省內有須用道府人員即可著留補用或不必全留

或竟可無需俱令和珅與兩省督撫酌量辦理至此
案起釁根由勒爾謹並未明晰奏及已諭和珅等到
彼查究務將實在情節徹底跟求其應叅奏者俟查
叅到日再定至勒爾謹養癰貽害咎實難辭但此時
斷不宜遽行更換總督以致賊衆易生輕玩著和珅
到甘後面傳諭旨令其知朕此意更加黽勉

同日

上命軍機大臣傳諭和珅勒爾謹曰前據王廷贊奏逆

匪圍逼蘭州魚為索取新教主馬明心等語馬明心
既據王廷贊摺內稱為新教之主何以勒爾謹又奏
蘓四十三為首犯若係同教不應有兩教主若分新
舊教則素有嫌隙馬明心羈禁在省蘓四十三等自
當悅服何復藉稱索取直犯蘭州其情節殊不可解
至河州循化廳等處回衆共有若干種類其中有無
當差食糧之人再如土司魯璠又係何項土司何時
受封襲職因何肯如此出力並更有似此之土司否

著和坤于到甘省時會同勒爾謹詳細查明覆奏



欽定蘭州紀畧卷二

欽定四庫全書

史部

欽定蘭州紀畧卷五

編修臣李傳熊覆勘

總校官編修臣程嘉謨

欽定四庫全書

欽定蘭州紀畧卷五

壬子勒爾謹仁和奏言逆回蘇四十三等由河州
山僻小路潛至省城在附郭一帶放火搶奪因城
內官弁兵民防守嚴密是以城垣並未傷損三月
二十九日晚勒爾謹等帶兵到省駐扎城外逆回
等先已退徙離省數里之山梁臣等與署副都統額
爾恒額總兵圖欽保德寧按察使福崧公同籌酌

隨於城郭闕廂左近添派官兵嚴加防範隨於三十日派遊擊祥保帶領綠營兵五百名土兵七百名臣等督率前往由東山梁後繞道擒剿逆匪率衆來迎自辰至未殺賊三十餘名是晚逆匪亦未敢潛來窺探但其所佔山梁形勢甚為險峻且蘭州跬步皆山設一經逃竄轉致苟延殘喘必須分派官兵四面圍擒庶不致一名漏網計所謂各路官兵於三四日內可以齊集惟有悉心籌酌以期

一鼓直擒不使稍稽顯戮

同日和珅奏言

臣

昨於山西平定州途次接奉

諭旨速赴甘省督辦一切伏思甘省距

臣

刻下行程尚

有二千六百餘里雖晝夜遙行實非一時遽能趕

到彼處近日情形未知何似心中倍切焦急此時

西安旗營各鎮及甘省附近各提鎮官兵定當雲

集第一時未有統屬之人恐諸鎮將爭先倖進賊

匪烏合之衆或致他竄未免別生事端即或散歸

巢穴將來追尋首夥各犯亦恐潛行藏匿轉得倖
逃法網無以儆兇逆而靖邊陲臣又一時未能即
至昨蒙寄到

諭旨令伍彌泰先行調度督辦臣不揣冒昧已將愚見

所及飛檄該將軍等令其即速籌辦不致坐失事

機即將來臣抵甘後亦可不虞棘手臣拜摺後仍

星馳兼程前進均奏入

上命軍機大臣傳諭阿桂和珅勒爾謹仁和曰此時賊

匪既經佔據山梁必當厚集兵力同時併進迅就殲擒方為妥善勒爾謹等所稱三四日內各路調兵到齊會剿自應如此辦理所有伍彌泰馬彪帶往之西安滿漢官兵此時諒亦全到如已能將逆賊剿洗淨盡固屬甚善否則將留駐西安聽調之京兵一千五百名徑令直抵甘肅會同圍剿則聲勢更大尤可一鼓成擒再本日和珅奏到途次檄令伍彌泰等先行籌辦一摺目今光景辦理似為較易但和珅此時仍

須迅速前往會同辦理即阿桂亦仍著前往督辦不必即回京畢沅在西安得信較近京兵到陝時如甘省尚未藏事即令速往再現在所獲人犯及陸續擒獲者應嚴密押解省城監禁審訊俟阿桂和珅到彼覆審後將首夥要犯嚴加鎖鑰派委乾清門已圖魯侍衛等押赴熱河照從前拏獲王倫案內逆犯辦理俾衆共知儆戒至馬明心一犯據王廷贊奏稱本係安定回民則此案中必有民人中素常為匪者為之

主謀煽惑並著阿桂和珅勒爾謹等確實嚴查覆奏
同日陝西布政使尚安奏言提督馬彪等各挑西安
滿漢官兵共二千六百名分為六起於二十五二
十七二十九等日先後起程前往會剿臣隨稟明
撫臣自西安馳赴陝甘交界之長武縣地方督飭
各州縣將應行借支車馬等項妥協備辦俾官兵
得迅速馳往復思涇州為入甘首站復由長武馳
至涇州據該州稟稱現在庫貯銀數無幾辦理拮

据

臣

隨查該處現有截留直隸解甘餉銀十五萬

兩因事關急需即令該州於此項銀內借支一萬

兩酌量應用據實報銷一面詳明督撫

臣

備案

即仍回長武茲於四月初三日陝省滿漢官兵俱已全數妥速過境奏入

上諭內閣曰前因甘省急需幹員辦事已傳諭尚安令其馳往該處幫同料理令伊於未奉諭旨之前即先起程前往正與朕前旨相合且一切經理妥協甚屬

可嘉尚安著交部議叙

同日

上又諭內閣曰此次派出官員兵丁等賞項諒已多製備行裝若一時令其繳還恐伊等力有不能所有未經起程之官員兵丁著照部議分作兩年扣還其已經起程續奉撤回者著加恩賞給一半以示體恤

癸丑西安提督馬彪奏言

臣

挑選本標官兵一千

名並派委員弁飭令迅速赴蘭

臣

即于三月二十

五日先行起程途次接布政使王廷贊來札逆回

現在攻打蘭城

臣

晝夜趨行四月初二日已抵蘭

州省城現在

勦

捕事宜與督

臣

勒爾謹提

臣

仁和

等公同商酌四路追勦擒拏

同日陝西延綏鎮總兵周鼎奏言

臣

接准陝西撫

臣畢沅來文令延綏鎮挑選精兵一千名前赴督

臣勒爾謹軍營聽候調度

臣

即刻挑兵一千選派

領兵官弁

臣

親為統領星夜直往蘭州又准畢沅

來文復令再派官兵一千名前往平涼鞏昌堵截

策應

臣

復即挑兵一千派副將觀音保統領星飛

前往

臣

先帶領前派官兵一千名於四月初一日

自榆林兼程迅往會同勦捕均奏入

上命軍機大臣傳諭阿桂和坤勒爾謹曰馬彪奏初二日已馳抵蘭州現在公同商酌追勦等語此時各路所調兵丁諒已陸續到齊自應遵照歷次所降諭旨妥協籌辦至前此因未見勒爾謹奏報恐有隔阻而

和珅又未能剗即到彼是以傳諭伍彌泰令其籌辦一切原因彼時無人料理起見今勒爾謹既到蘭州而和珅又趨程前進所有調度官兵及軍需糧餉各事宜自應仍令勒爾謹經理一俟阿桂和珅到彼即會同商辦伍彌泰仍止專司領兵勦賊俾事權歸一辦理方有章程再蘭州城外關廟曾被賊焚燒河州亦曾被賊佔擾該處居民自不免為所蹂躪不可不加意撫卹著傳諭阿桂和珅即會同勒爾謹將實在

情形若何應如何優卹之處詳悉查明具奏候朕加
恩至勒爾謹仁和所奏賊人佔據山梁其情形總未
明晰逆匪數千人據守山上何從得有口食敢為此
盤據苟延之計勒爾謹等摺內亦並未聲說著將近
日賊人逃竄在山如何情景再行詳查據實覆奏又
本日總兵周鼎奏帶領官兵一千於初一日兼程前
往會同勦捕該鎮既係奉調前往自應在彼協同勦
賊聽候和珅等調遣一俟勦洗事畢即同各路鎮將

等撤回本任

甲寅畢沅奏言

臣於本月初六日接提臣馬彪來

札知初二日已抵蘭州逆回現據龍尾山華林寺

山梁察看賊匪不過千數餘人惟以放火劫掠為

事蘭州各路兵丁會集現有三千餘名一兩日內

進兵會剿逆匪無難殄滅等因再查將軍伍彌泰

於初八日到蘭副都統薩炳阿隨後接續行走約

計初八九日滿營官兵一千六百亦俱全到

臣續

派潼關協副將馬鎮國帶兵三百名接濟馬彪計
初八九日可到而督臣所派河西各路官兵想亦
陸續至蘭是此時兵力漸厚省城斷無意外之虞
至狄道居河州蘭州之間東通鞏秦最為緊要恐
賊匪見我兵勢盛從大路竄出該州僅有兵二百
名甚為單薄臣連日飛催興漢鎮臣三德令從間
道往赴狄道保護且堵截賊匪歸路已據該鎮報
到帶兵五百名迅速行走計初十前可到狄道

同日西川將軍特成額總督文綬提督明亮奏言

臣等於四月初二日接准陝西撫臣畢沅札稱令

臣等迅速派兵由鞏昌一帶前往會剿退回伏查

河州係腹內地方逆回等妄作不靖川省地界毘

連急須協力赴剿以期迅速撲滅臣等即就近選

派滿漢官兵一千五百名臣明亮即日帶兵三百

名由鞏昌一路星夜前往臣特成額亦即帶兵三

百名尾隨起程其餘官兵接續進發臣文綬一面

再行酌量預派附近各營官兵以備續調均奏入
上命軍機大臣傳諭阿桂和珅勒爾謹畢沅曰據畢沅
奏所辦甚屬可嘉至賊匪僅止千餘不過釜底遊魂
苟延殘喘陝甘兩省兵丁到齊無難一鼓聚殲京兵
竟可無須前進此時畢沅備而不用亦可至四川所
調之兵諒亦無需但現在既已起程且不飭令停止
著傳諭勒爾謹如賊匪業已剿淨亦即知會特成額
文綬并一面飭知領隊官員停其前往

乙卯阿桂奏言

臣

於初七日接陝西撫

臣

畢沅來

札知賊人退踞龍尾山八蜡廟等處各路官兵陸

續前到兵力稍厚陝西省連發滿漢官兵五千約

計初十以內俱可到齊并聞督

臣

勒爾謹於三月

二十九日帶兵回省目前似可無意外之虞等語

又於初八日畢沅將馬彪原札寄閱據稱河州業

已收復經督

臣

派撥舊數回人二百名同西寧兵

二百名在彼防護賊人現在佔據龍尾山華林寺

山梁察看賊勢不過千餘人等語臣思伍彌泰等
所謂之兵皆可接續齊集小醜自不能復逞螳臂
若賊人盤踞山梁遷延不去自當殲戮無遺即使
勢窮力促計圖竄逸諒督業已派兵在洪濟橋沙
泥站兩處堵截縱有餘匪竄入深山官兵四面圍
擒亦可剋除淨盡臣查勒爾謹畢沅節次調遣陝
甘兩省綠營兵及伍彌泰額爾恒額帶往之駐防
滿兵已有八千餘名其勢足敷會剿及邀截搜捕

之用且四川兵二千名俱界連甘肅尅期可到兵力已屬有餘就現在情形而論不但晉豫兩省官兵毋須調遣即京兵亦可停止派往伏乞

皇上特降諭旨令京兵已經起行者中途撤回未經起行者即令停止臣一面仍先行咨帶兵行走之護軍統領舒亮等暫行傳駐俟奉到

諭旨即陸續分起回京再臣晝夜趲行程途多寡不等每日夜約行一百五六十里計程明日可過潼關

如尚書和珅尚未經過臣於途次留心探訪恐沿途驛站馬匹不敷分應擬於前途暫停俟和珅經過晤悉一切先令迅速前往臣再儘力遙行奏入

上命軍機大臣傳諭阿桂和珅勒爾謹袁守侗畢沅富勒渾曰據阿桂奏途次連接畢沅來信知現在各路所謂之兵已有八千餘名足敷會剿等語前以京兵一千五百名業經起程是以且未撤回俟擒賊實信到日即行降旨但思小醜既可立就殲擒自不必復

需勁旅現已另降諭旨令領隊大臣舒亮即行帶兵
回京并著傳諭沿途各督撫知之

丙辰馬彪奏言

臣

于初二日行抵蘭州提

臣

仁和

總兵圖欽保俱已到彼會勦

臣

前於途次復接撫

臣

畢沅來札於西安提屬各營續派兵一千名西

安滿營派兵一千六百名延綏鎮屬派兵一千五

百名興漢鎮屬派兵五百名并甘肅提屬各鎮營

官兵現在陸續到蘭

臣

同督臣勒爾謹提

臣

仁和

相度機宜厚集兵力四路捕勦務期盡絕根株奏

入

上命軍機大臣傳諭和珅勒爾謹仁和曰據馬彪奏甘肅各路調派之兵並西安滿漢各營兵現在陸續到齊等語該處所調兵丁已及一萬而逆匪不過千餘人自應即時分頭圍剿一鼓殲擒前據勒爾謹初二日所發摺內稱三四日即可辦理今馬彪之摺係初六日所發何以尚未見勒爾謹等奏報勦賊之事此

時兵已厚集更將何待著傳諭勒爾謹等即將勦滅
逆匪情形迅速馳奏至賊匪佔據龍尾山梁華林寺
從何處得有口食此時官兵自必將賊圍住具施放
鎗礮之火藥又從何處得來賊人馬匹約有若干向
何處掠擄均著勒爾謹仁和詳查覆奏又昨據阿桂
奏到摺內有馬彪札知督臣派撥舊教回人二百名
同西寧兵二百名防護河州等語此事何以亦未見
勒爾謹奏及著傳諭該督一併據實覆奏和珅到彼

時所有一切應行查辦事件並著查明具奏

同日畢沅奏言臣接奉

諭旨令于西安藩庫先酌撥一百萬兩查各省協撥甘
省銀兩現在尚有三四起在途未到臣前已飛諭
各州縣令其沿途截留貯庫以供就近支用此次
酌撥銀一百萬兩臣即行分起選派妥幹員弁帶
領兵役飭令小心護送不致遲悞奏入報

聞

丁巳勒爾謹馬彪仁和奏言臣等先後抵蘭與賊
匪打仗數次殺傷甚多惟佔據南山自高而下勢
甚險峻必須厚集兵力出其不意四面夾攻庶可
一鼓而下查甘省各路漢土官兵一二日可以齊
集即肅州鎮屬及陝西提屬官兵亦將次到蘭兵
力已不為單弱臣等定期於初八日進兵圍勒爾
仗

天威逆回自不致一名漏網稍稽顯戮再查有由烏嚕

木齊赴京之協領舒成佐領札蘭布托林保到蘭
該員等因現值勦捕逆匪情願隨征報効察其情
詞甚為懇切自應准其所請一同進勦

同日勦爾謹馬彪仁和又奏言

臣

等遵查撒拉爾

俗習回教近緣新教欲另立一門今舊教順從舊
教不服以致互相爭殺現在所調循化土兵即係
舊教番回是以悉其原委大概伏查擒勦逆賊莫
先於斷其後路而掃除巢穴正須舊教番回

臣勦

爾謹前在狄道與臬司福崧詳加籌酌密飭循化文武妥為駕馭舊教番回令其奮勇出力以公報私并飭署西寧鎮印務副將貢楚克達爾帶兵到循化就近掘其巢穴即將新教餘孽儘數擒拏茲據副將貢楚克達爾暨循化同知洪彬委員候補通判謝桓遊擊瑚崧阿白守忠等先後稟報帶領官兵及舊教土兵搜拏餘孽節次殺死逆賊百餘人生擒逆賊一百零九名婦女幼孩一百數十口

現在嚴禁并將蘇四十三等要犯祖墳刨挖燒燬
揚灰是逆賊已無歸路無難全數勒擒惟河州為
循化咽喉最關緊要臣勒爾謹已飭令貢楚克達
爾帶兵駐劄河州截殺逃逸賊匪俾聲勢連絡并
於老鴉關沙泥站洪濟橋等要隘派兵堵截自無
虞稍有竄逸再查舊教土兵素稱恭順臣等三月
三十日帶兵勦賊時即令舊教前敵頗屬奮勇業
經量加獎賞奏入

上命軍機大臣傳諭阿桂和珅曰本日勒爾謹奏新舊
教情形始畧有端緒至今兩教互相攻殺以破其勢
朕於事發之初卽早經降旨令勒爾謹稱前在狄道
與福崧商酌令舊教土兵奮勇出力以公報私所辦
尚是但勒爾謹未必能見及此或出自福崧之贊畫
至賊人佔據山梁多至十數日何從得有口食且大
兵旣經各路堵截又往何處搶掠俱著查明覆奏總
之此案起衅實在情形勒爾謹如何辦理不善致釀

兵將次到蘭定期於初八日進兵擒剿賊匪自應如此迅速辦理朕盼望滅賊之信甚切該督務須速行具奏不得仍前遲緩致屢懸注

同日王廷贊奏言逆回連日仍復緊攻省城并放火延燒房屋擄掠民財城中兵力單薄勢頗危急

臣戒諭居民不得驚慌妄動率同文武員弁懸給

兵民重賞激勵人心奮勇協力多方設法守禦將火礮安放城上緊急之處連聲轟擊又以滾木石

塊擊斷賊人雲梯火鎗弓箭齊發殺死賊人甚多
賊始退却不能上城至二十九日總兵圖欽保城
守尉額爾恒額提督仁和等先後帶兵進援督臣
勒爾謹亦自狄道旋省逆匪不敢攻城現俟各路
官兵齊集相機會勦即當殄滅奏入

上嘉之

同日畢沅奏言京兵前赴甘省勦捕逆回自須迅
速趲行于事理方為有濟陝西自潼關西至長武

臣前已與司道公同商議酌分七尖八站至沿途應用馬匹車輛及例應供給各項業經飭屬如數加緊豫備但陝甘幅員遼濶當日所分里數較之他省為大臣因甘省素鮮車驟勢不能按臺更換官兵乘騎改用長騾若令日夜趲行道遠站長恐防疲乏將來入關以後如遇天氣晴爽或程途里數畧近到站為時尚早車馬不甚疲乏即令兼程星速前進至長武以西涇州平涼一帶已與蘭城

密邇軍威所列聲息相通又當約量程期庶不致
欲速反遲轉稽時刻奏入報

聞

戊午直隸總督袁守侗奏言臣查第一起京兵據
署藩司卽若伊稟報于十二日送至河南安陽縣
停駐其二起三起兵丁亦在邯鄲栢鄉一帶尚未
出直隸本境今欽奉

諭旨令領隊大臣舒亮帶兵回京臣遵卽飛飭藩司先

將三起京兵用原載車馬逐站送回其二起頭起
兵丁應仍令挨次間日行走庶車馬得以輪應至
清苑良鄉等站車馬其撤回歸農者臣亦飛檄飭
調上緊妥備并督同署臬司梁肯堂署清河道顧
學潮往來照料以期無悞奏入報

聞

己未伍彌泰勒爾謹馬彪仁和奏言臣等帶領官
兵并舊教土兵一由黃河南岸直衝賊營一由賊

巢之東南山梁壓下逆賊率衆迎敵我兵奮勇直
入殺死逆賊五十餘名搶獲馬驢牛羊賊勢倉皇
退而固守因坎陡崖深不能即時搗穴天色已晚
暫且撤兵臣等伏查逆匪已無歸路計窮力竭是
以佔據險地乘便放火為苟延旦夕之計即從前賊
數約有二三千人屢次被官兵勦殺鎗礮擊斃以
及逃竄為各路截殺已不下七八百人現在所存
者不過千餘人適接軍機大臣來咨乃知上厓

聖懷派出健銳營兵三千名火器營兵二十名

天兵中討自當迅奏成功但以現在情形而論所調各路官兵業已雲集京兵似可停止再臣伍彌泰於初九日到蘭所調寧夏滿兵已起程五百名不日亦可到蘭其備調兵五百名以及畢沅咨調四川官兵臣等現已行文停止

同日阿桂和珅奏言臣和珅於山西途次接奉

諭旨即星夜兼程行走於初十日過潼關臣阿桂於初

九日過潼關沿途探聽知臣和珅相隔不遠因緩
程稍候於十一日先後俱到臨潼臣和珅當即將
諭旨并一切應行籌辦事宜與臣阿桂公同熟商妥議
俟到甘省時相度機宜辦理再臣等行抵陝境賊
匪大概情形俱已深悉現在逆回退踞山梁各路
官兵雲集足數堵截勦捕之用其在途之京兵一
千五百名計程僅抵豫境臣等一面奏

聞一面即行知帶兵行走之護軍統領舒亮等令將前

隊作後隊陸續按起回京至

乾清門侍衛等雖無須伊等帶兵打仗但將來掣獲
首逆及要犯應行解京遵

旨令伊等押解進京臣等擇其中曉事者酌留秦斐英
阿福寧二人并三等侍衛阿爾都以備差委餘一
併令其回京並令伊等沿途緩程安靜行走俾驛
站馬匹不致應付竭蹶以免煩擾至額駙拉旺多
爾濟已遵

旨由潼關走山西一帶出口回伊遊牧處所又農起等
俱已傳

旨行知令其回京臣阿桂帶往甘肅之衛輝營叅將劉
之仁業於初十日在華州給咨令回原營至前奉
旨派出之記名以道府用之司員李烱等六人除海廣
現隨阿桂臣和珅即先行帶往其餘五人容俟到
甘後另行的酌量差委再定去留臣和珅於拜摺後
仍即星夜兼程前進臣阿桂遵奉

恩旨緩行聽候

諭旨均奏入

上命軍機大臣傳諭阿桂和珅曰前此派往京兵早有諭旨撤回本日勒爾謹等奏將寧夏四川兵停止所辦尚是但賊既據險自守又放火何為若云以放火為搶掠之計則此時官兵四面圍困賊人又從何處搶掠所奏甚不明晰著和珅詳查覆奏現又據阿桂和珅奏稱十一日先後俱到臨潼公同商酌一切事

宜和坤併留泰斐英阿福寧阿爾都以備差委仍即
星夜兼程前進等語泰斐英阿等前已有旨令其押
解逆犯進京和坤所辦甚是至阿桂此時途次只須
緩程前進再行候旨

同日特成額明亮奏言臣等於初二日帶兵先後
起程初七日於梓潼途次接畢沅札催令臣等帶
領川兵迅赴鞏昌協同進剿復於初八日武連驛
途次接奉

諭旨令調四川從前曾經平定金川之兵星往堵截臣等伏查現帶川省滿漢兵丁併領兵將弁多係曾經出師金川之兵現今儘力趲行每日步行一百二十里務期迅速到甘以資會剿茲自武連驛至陝省之大安驛計程五百餘里其鞏秦一帶須由大安驛分道前往查大安至鞏昌計程八百餘里均屬山僻小徑為番回出沒之所臣等到大安驛時即當察看事勢相機辦理奏入

上命軍機大臣傳諭特成額明亮曰據特成額等奏現
調川兵一二千名飛赴鞏秦一帶協勦等語此項官
兵前經傳諭該督文綬飭令停止特成額等以此奏想
未接到停止之信故仍照前旨啟程今既據伍彌泰
勒爾謹等奏稱賊僅據險自守不日即可勦除併已
行文停止川兵此項官兵自當撤回本營歸伍倘阿
桂和坤到彼後相度機宜尚有須用川兵之處再俟
降旨遵行

同日勒爾謹又奏言逆犯佔據河州時將監犯全
行放脫內逃兵自首情實七次斬犯一名王伏林
案內緣坐情實三次斬犯四名緩決三次絞犯三名
緩決一次絞犯一名新案斬犯一名絞犯一名流
犯一名現審人犯四名今據河州知州謝桓稟報
該犯等俱已自行投到現在監禁看來該犯等尚
知畏法均奏入

上諭內閣曰勒爾謹奏逆回佔據河州時將監犯全行放

脫現在各犯俱已自行投到仍行監禁等語賊匪敢於縱脫獄囚實屬死有餘辜至該監犯等於被放之後併不為賊脅從自行投首尚知畏法著加恩交該督查明概予寬減發落以示勸勵

臣等謹案逆回肆惡不靖敢於縱釋罪囚妄為煽誘實寸磔不足蔽辜乃該囚等既不肯作奸從逆復不敢私自遠颺投首就獄可見平時

德澤深厚淪肌浹髓雖身在囹圄之中咸知感發天良

不以事起倉卒稍萌苟且之念我

皇上特沛

恩綸概令寬減貸其前愆予以自新

聖仁高厚彼繫身犴狴者益當共知感格共知愧勵矣

同日畢沅奏言遂回進逼蘭城自三月二十七日

至本月初一日西安文報隔絕臣遵委妥幹員弁

迅赴蘭城查探實在情形據該弁回稱蘭州自二

十九日總督回至省城各路官兵日漸齊集打仗

幾次殺賊甚多賊匪初尚屯聚八蜡廟五泉山等處近已移向龍尾山梁聞總督及領兵各大員會議即日進勦再回程經過之金縣平涼一帶自西安官兵前去之後行旅漸通逃散居民間有携同婦女還歸本土人心漸已安貼等語臣查陝省先調發西安駐防及提鎮官兵計五千名前往會勦計于十五日以前並可抵蘭至甘肅河西各標營兵督臣勒爾謹節次調遣亦不下五六千名通計

省城官兵及調到土兵可得一萬數千名兵力不為不厚再五泉山係在蘭州正南迤西一支即為龍尾山在城之西南約有五六里去八蜡廟等處較遠似漸有震懾之意且所據地方西北兩面俱阻黃河西南阻隔洮河督臣所調西寧官兵由循化一帶遶出其後且河州收復小路俱經堵截今大學士公臣阿桂尚書臣和珅及各領兵大員星夜前往相機剿賊匪自可即日殲洗又臣頃接

將軍臣特成額提督臣明亮來札稱由成都前來
程途尚遠須至二十左右始抵鞏昌約計彼時延
緩續調之兵亦已到甘臣現派慶陽協副將隆安
星速前往飛催協同延綏領兵官由安定捷徑直
趨狄道與興漢鎮總兵臣三德堵截後路共計數
有兵一千二百名況沙泥站一帶已經督臣勒爾
謹派兵防守足資截殺所有前調川兵臣謹遵
旨飛咨臣特成額明亮令其就近統領回營奏入報

聞

欽定蘭州紀畧卷三